

知我心所行 令我身止住 於諸苦毒中
我行精進力 忍之終不悔

法寶藏比丘說此唱讚世饒王如來至真等
正覺已發意欲求無上正真道最正覺我立
是願如多陀竭佛所有者願悉得之拔人勤
苦生死根本悉令如佛唯為說經所可施行
令疾得決我作佛時令無及者願佛為我說
諸佛國功德我當奉持當那中住取願作佛
國亦如是佛語阿難其世饒王佛知其高明
所願快善即為法寶藏菩薩說經言譬如大
海水一人升量之一劫不止尚可枯盡令海
空竭得其底泥人至心求道何而當不可得
乎求索精進不休止者會得心中所欲願耳
法寶藏菩薩聞世饒王佛說經如是則大歡
喜踊躍其佛則為選擇二百一十億佛國中
諸天人善惡國土之好醜為選心中所願
用與之世饒王佛說經竟法寶藏菩薩便壹
其心則得天眼徹視悉自見二百一十億諸
佛國中諸天人善惡國土之好醜則選
心所欲願便結得是二十四願經則奉行之
精進勇猛勤苦求索如是無央數劫所師事
供養諸佛已過去佛亦無央數其法寶藏
菩薩至^⑤期然後自致得作佛名無量清淨
覺最尊智慧勇猛光明無比今現在所居國
甚快善在他方異佛國教授八方上下無央
數諸天人及蜎飛蠕動之類莫不得過度
解脫憂苦者無量清淨佛為菩薩時常奉行
是二十四願珍寶愛重保持恭順精進禪行
之與眾超絕卓然有異皆無有能及者佛言

何等為二十四願者

一我作佛時令我國中無有地獄禽獸餓鬼
蜎飛蠕動之類得是願乃作佛不得從是願
終不作佛二我作佛時令我國中人民有來
生我國者從我國去不復更地獄餓鬼禽獸
蠕動有生其中者我不作佛

三我作佛時人民有來生我國者不一色類
金色者我不作佛四我作佛時人民有來生
我國者天人世間人有異者我不作佛

五我作佛時人民有來生我國者皆自推所
從來生本末所從來十億劫宿命不悉知念
所從來生我不作佛六我作佛時人民有來
生我國者不悉徹視我不作佛

七我作佛時人民有來生我國者不悉知他
人心中所念者我不作佛八我作佛時我國
中人民不悉飛者我不作佛

九我作佛時我國中人民不悉徹聽者我不
作佛十我作佛時我國中人民有愛欲者我
不作佛十一我作佛時我國中人民住止盡
般泥洹不爾者我不作佛

十二我作佛時我國諸弟子令八方上下各
千億佛國中諸天人蠕動之類作緣一覺
大弟子皆禪一心共數我國中諸弟子住至
百億劫無能數者不爾者我不作佛

十三我作佛時令我光明勝於日月諸佛之
明百億萬倍炤無數天下窈冥之處皆常大
明諸天人蠕動之類見我光明莫不慈心
作善來生我國不爾者我不作佛

十四我作佛時令八方上下無數佛國諸天

人民蠕動之類令得緣一覺果證弟子坐禪
一心欲共計知我年壽幾千萬億劫令無能
知壽^⑥涯底者不爾者我不作佛

十五我作佛時人民有來生我國者除我國
中人民所願餘人民壽命無有能計者不爾
者我不作佛十六我作佛時國中人民皆使
莫有惡心不爾者我不作佛

十七我作佛時令我名聞八方上下無數佛
國諸佛各於弟子眾中歎我功德國^⑦土之
善諸天人蠕動之類聞我名字皆悉踊躍
來生我國不爾者我不作佛

十八我作佛時諸佛國人民有作菩薩道者
常念我淨潔心壽終時我與不可計比丘眾
飛行迎之共在前立即還生我國作阿惟越
致不爾者我不作佛十九我作佛時他方佛
國人民前世為惡聞我名字及正為道欲來
生我國壽終皆令不復更三惡道則生我國
在心所願不爾者我不作佛

二十我作佛時我國諸菩薩不一生等置是
餘願功德不爾者我不作佛二十一我作佛
時我國諸菩薩不悉三十二相者我不作佛

二十二我作佛時我國諸菩薩欲共供養八
方上下無數諸佛皆令飛行欲得萬種自然
之物則皆在前持用供養諸佛悉遍已後日
未中則還我國不爾者我不作佛

二十三我作佛時我國諸菩薩欲飯時則七
寶鉢中生自然百味^⑧飲食在前食已鉢皆
自然去不爾者我不作佛

二十四我作佛時我國諸菩薩說經行道不

①唯-惟 ②升-斗 ③進+進 ④諸佛已-請已 ⑤其-期 ⑥涯-崖 ⑦土-王 ⑧鉢-盤 ⑨飲-飯

王太子五百長者子作菩薩道已來無央數劫皆各供養四百億佛已今復來供養我是阿闍世王太子及五百人等皆前世迦葉佛時為我作弟子今皆復會是共相值也則諸比丘僧聞佛言皆心踊躍莫不歡喜者佛告阿難無量清淨佛作佛已來凡十劫所居國名須摩提正在西方去是閻浮利地界千億萬須彌山佛國其國地皆自然七寶其一寶者名白銀二寶者名黃金三寶者水精四寶者琉璃五寶者珊瑚六寶者琥珀七寶者車渠是七寶皆以自共為地曠蕩甚大無極皆自相參轉相入中各自焜煌參光極明自然軟甚姝好無比如其七寶地諸八方上下眾寶中精都自然之合會共化生耳其寶比如第六天上之七寶也其國中無有須彌山其日月星辰第一四天王第二忉利天皆在虛空中其國土無有大海水亦無小海水無江河洄水也亦無山林溪谷無有幽冥之處其國七寶地皆平正無有泥犁禽獸餓鬼蝸飛蠕動之類也無阿須倫諸龍鬼神也終無有大雨時亦無春夏秋冬也亦無有大寒亦不大熱常和調中適甚快善無比皆有萬種自然之物百味飲食意欲有所得則自然在前意不用者則自然化去比如第六天上自然之物恣若自然則皆隨意其國中悉諸菩薩阿羅漢無有婦女壽命極壽亦無央數劫女人往生者則化生皆作男子但有菩薩阿羅漢無央數悉皆洞視徹聽悉遙相見遙相瞻望遙相聞語聲悉皆求道善者同一

種類無有異人也其諸菩薩阿羅漢面目皆端正清潔絕好悉同一色無有偏醜惡者諸菩薩阿羅漢皆才猛黠慧其所衣服皆衣自然之衣都心中所念常念道德其所欲語言便皆豫相知意其所念言常說五事其國中諸菩薩阿羅漢自共相與語言輒說經道終不說他餘之惡其語言音響如三百鍾聲皆相敬愛無有相憎者皆自以長幼上下先後言之都共往會以義而禮轉相敬事如兄如弟以仁履義不妄動作言語而誠轉相教令不相違戾轉相承受皆心潔淨無所貪慕終無有姪^②嫉^③瞋怒之心愚癡之態也無有邪心念婦女意也悉智慧勇猛和心歡樂好喜經道皆自知其前世所從來生億萬劫世時宿命善惡存亡現在却知無極無量清淨佛所可教授講堂精舍皆復自然七寶金銀水精琉璃白玉虎珀車渠自共轉相成也甚^④姝^⑤明好絕姝無比亦無有作者亦不知所從來亦無有持來者亦無所從去無量清淨佛所願德重其人作善故論經語義說經行道講會其中自然化生耳其講堂精舍皆復有七寶樓觀欄楯復以金銀水精琉璃白玉虎珀車渠為^⑥瓔^⑦珞復以白珠明月珠摩尼珠為交絡覆蓋其上皆自作五音聲^⑧音聲甚^⑨姝^⑩無比無量清淨佛國諸菩薩阿羅漢所居舍宅皆復以七寶金銀水精琉璃珊瑚虎珀車渠馬瑙化生轉相成也其舍宅皆悉各有七寶樓觀欄楯復以金銀水精琉璃白玉虎珀車渠為^⑪瓔^⑫珞復以白珠明月珠摩尼珠為

交絡覆蓋其上皆各復自作五音聲無量清淨佛講堂精舍及諸菩薩阿羅漢所居七寶舍宅中外內處處皆復自然流泉水浴池其浴池者皆復以自然七寶七寶俱生金銀水精琉璃珊瑚虎珀車渠轉相成也水底沙皆復以七寶金銀水精琉璃珊瑚虎珀車渠也^⑬有純白銀池者其底沙皆黃金也^⑭中有純黃金池者其水底沙皆白銀也^⑮中有純水精池者其水底沙皆琉璃也^⑯中有純琉璃池者其水底沙皆水精也^⑰中有純珊瑚池者其水底沙皆珊瑚也^⑱中有純車渠池者其水底沙皆馬瑙也^⑲中有純馬瑙池者其水底沙皆紫磨金也^⑳中有純白玉池者其水底沙皆紫磨金也^㉑中有純紫磨金池者其水底沙皆白玉也^㉒中有復有二寶共作一池者其水底沙皆金銀也^㉓中有復有三寶共作一池者其水底沙皆金銀水精也^㉔中有復有四寶共作一池者其水底沙皆金銀水精琉璃也^㉕中有復有五寶共作一池者其水底沙皆金銀水精琉璃珊瑚虎珀車渠也^㉖中有復有七寶共作一池者其水底沙皆金銀水精琉璃珊瑚虎珀車渠馬瑙也^㉗其浴池中有長四里者^㉘中有池長八十里者^㉙中有池長百六十里者^㉚中有池長三百二十里者^㉛中有池長六百四十里者^㉜中有池長千二百八十里者^㉝中有浴池長二千五百六十里者^㉞中有浴池長五千一百二十里者^㉟中有浴池長萬二百

① 八·小(元) ② 姝·洗(音) ③ 姝·殊(音) ④ 瓔·珞·纓·絡(音) ⑤ 音·其(音) ⑥ 姝·妙(音) ⑦ 瓔·珞·纓·絡(音) ⑧ 車·事(音) ⑨ 碑(音)

四十里者，中有浴池長二萬四百八十里者，其縱廣各適等。是浴池者，皆諸菩薩阿羅漢常所可浴池。佛言無量清淨佛浴池長四萬八千里，廣亦四萬八千里。其浴池皆七寶轉自共相成。其池水底沙皆復以七寶白珠明月珠摩尼珠也。無量清淨佛及諸菩薩阿羅漢浴池中水皆清淨香潔，中皆有香華悉自然生。百種華種種異色異香，華皆千葉諸華甚香無比，香不可言也。其華香者亦復非世間之華，復勝天上之華。是華香者八方上下眾華香中精，自然生耳。池中水流行轉相灌注，池中水流亦不遲亦不^①駛，皆復自作五音聲。佛言八方上下無央數佛國諸天人民及蜎飛蠕動之類，諸生無量清淨佛國者，都皆於是七寶水池蓮華中化生，便則自然長大，亦無乳養之者，皆食自然之飲食，其身體者亦非世間人之身體也，亦非天上人之身體也。皆積眾善之德，悉受自然虛無之身體。甚姝好無比。佛語阿難，如世間貧窮乞丐人，令在帝王邊住者，其人面目形貌何等類乎？寧類帝王面目形貌顏色不阿難言，假令使子在帝王邊住者，其面目形狀甚醜惡不好，不如帝王面目形類姝好，百千億萬倍也。所以者何？見乞人貧窮困極，飲食未曾有美食時也。既惡食不能得飽食，食^②纔支命骨節相撐拄，無所用自給常乏，無有^③儲積，飢餓寒凍^④，怔忡愁苦，但坐其前世宿命為人時，愚癡無智富益^⑤，慳貪有財不肯慈哀仁賢，為善博愛施與，但欲唐得，貪惜飲食獨食嗜

美，不信施貸後得償報也。復不信作善後世得其福，蒙籠^⑥頑狠益作眾惡，如是壽終財物盡索，素無恩德無所恃怙，入惡道中坐之適苦。然後得出解脫，今生為人，作於下賤貧家作子，強像人形狀貌甚醜，衣被弊壞，單空獨立，不蔽形體，乞生活耳。飢寒困苦，面目羸劣不類人色，坐其前世身之所作，受其殃罰，示眾見之，莫誰哀者，棄捐市道，暴露瘠瘦，黑醜惡極，不及人耳。所以帝王人中獨尊，最好者何？皆其前世宿命為人時作善，信愛經道，布施恩德，博愛順義，慈仁喜與，不貪飲食，與眾共之，無所遺惜，都無違諍，得其福德，壽終德隨，不更惡道。今生為人，得生王家，自然尊貴，獨王典主，攬制人民，為人雄傑，面目潔白，和顏好色，身體端正，眾共敬事，美食好衣，隨心恣意，在樂所欲，自然在前，都無違諍於人中，姝好無憂快樂，面色光澤，故乃爾耳^⑦。佛說無量清淨平等覺經卷第一

佛說無量清淨平等覺經卷第二

後漢月支國三藏支婁迦讖譯

◎佛告阿難，若言是也。如帝王雖於人中好無比，當令在遮迦越王邊住者，其面目形貌甚醜惡，其狀不好，比^⑧如乞人在帝王邊住耳。帝王面醜，尚復不如遮迦越王面色姝好，百千億萬倍也。如遮迦越王於天下絕好，無比。當令在第二忉利天帝釋邊住者，其面甚醜不好，尚復不如天帝釋面貌端正，姝好百千億萬倍也。如天帝釋令在第六天王邊住者，其面貌甚醜不好，尚復不如第六天王面貌端正，姝好百千^⑨億倍也。如第六天王，令在無量清淨佛國中，諸菩薩阿羅漢邊住者，其面甚醜，尚復不如無量清淨佛國中，諸菩薩阿羅漢面貌端正，姝好百千億萬倍也。佛言，無量清淨佛諸菩薩阿羅漢，面貌悉皆端正，絕好無比。次於泥洹之道也。佛告阿難，無量清淨佛及諸菩薩阿羅漢，講堂精舍所居處舍宅，中外浴池，上皆有七寶樹，中有純銀樹，中有純金樹，中有純水精樹，中有純琉璃樹，中有純白玉樹，中有純珊瑚樹，中有純琥珀樹，中有純車渠樹，種種各自異行。中復有兩寶共作一樹者，銀樹銀根金莖，銀枝金葉，銀華金實，金樹者，金根銀莖，金枝銀葉，金華銀實，是兩寶樹轉共相成，各自異行。中復有三寶共作一樹者，銀樹銀根金莖，水精枝，銀葉金華水精實，水精樹者，水精根銀莖，金枝，水精葉，銀華金實，是三寶樹轉共相成，各自異行。中復有四寶共作一樹者，銀樹銀根金莖，水精枝，琉璃莖，琉璃葉，金華銀實，水精樹者，水精根琉璃莖，銀枝，金葉，水精華，琉璃實，琉璃樹者，琉璃根，水精莖，金枝，銀葉，琉璃華，水精實，是四寶樹轉共相成，各自異行。中復有五寶共作一樹者，銀樹銀根金莖，水精枝，琉璃葉，珊瑚華，金實，金樹者，金根銀莖，水精枝，琉璃葉，珊瑚華，金實，金樹者，金根銀莖，水精枝，琉璃葉，珊瑚華，銀實，水精樹者，水精根琉璃莖

①駛-駛②纔③儲+(積)④怔-怔⑤慳-(貪)⑥頑狠⑦瘠-省⑧愛+(樂)⑨不分卷⑩(獲)+好⑪如-而⑫殊-殊⑬億+(萬)⑭困-困

阿羅漢上華皆在虛空中下向華適小萎便自墮地則自然亂風吹華悉自然去諸菩薩意各復欲得四百萬里華則自然四百萬里華在前諸菩薩心意俱大歡喜踊躍皆在虛空中共持華則散諸佛及諸菩薩阿羅漢上華都自然合為一華華正團圓周匝各適等華轉倍前極自軟好轉勝於前華好數百千色色色異香甚香不可言諸菩薩皆大歡喜俱於虛空中大共作眾音自然伎樂樂佛及諸菩薩阿羅漢當是之時快樂不可言諸菩薩皆悉却坐聽經聽經竟則悉皆諷誦通利重知經道益明智慧其諸華香小萎便自墮地則自然亂風吹華悉皆自然去則諸佛國中從第一四天王上至三十六天上諸菩薩阿羅漢漢天人皆復於虛空中大共作眾音伎樂諸天人前來者轉去避後來者後來者轉復供養如前更相開避諸天人歡喜聽經皆大共作音樂當是之時快樂無極諸菩薩供養聽經訖竟便皆起為諸佛作禮而去則復飛到八方上下無央數諸佛所則復供養聽經皆各如前時悉遍以後日未中時諸菩薩則皆飛而去則還其國悉前為無量清淨佛作禮皆却坐一面聽經聽經竟皆大歡喜

◎佛言無量清淨佛及諸菩薩阿羅漢欲食時則自然七寶机自然劫波育自然鬪鬪以為座無量清淨佛及諸菩薩阿羅漢皆坐已前悉有自然七寶鉢中皆有自然百味飲食飲食者亦不類世間飲食之味也亦復非天上飲食之味也此百味飲食者都為八方

上下眾自然之飲食中精味甚香美無有比都自然化生耳其飲食自在所欲得味甜酢鉢自在所欲得諸菩薩阿羅漢中有欲得銀鉢者中有欲得金鉢者中有欲得水精鉢者中有欲得琉璃鉢者中有欲得珊瑚鉢者中有欲得琥珀鉢者中有欲得白玉鉢者中有欲得車渠鉢者中有欲得瑪瑙鉢者中有欲得明月珠鉢者中有欲得摩尼珠鉢者中有欲得紫磨金鉢者皆滿其中百味飲食自恣若隨意則至亦無所從來亦無有供作者自然化生耳諸菩薩阿羅漢皆食亦不多亦不少悉自然平等諸菩薩阿羅漢食亦不言美惡亦不以美故喜食已諸飯具鉢机坐皆自然化去欲食時乃復化生耳諸菩薩阿羅漢皆心清潔不慕飯食但用作氣力耳皆自然消散糜盡化去

佛告阿難阿彌陀佛為諸菩薩阿羅漢說法時都悉大會講堂上其國諸菩薩阿羅漢及諸天人無央數都不可復計皆飛到無量清淨佛所悉前為無量清淨佛作禮却坐聽經無量清淨佛便則為諸比丘僧諸菩薩阿羅漢諸天人廣說道智大經皆悉聞知經道莫不歡喜踊躍心開解者即四方自然亂風起吹國中七寶樹七寶樹皆復作五音聲亂風吹七寶華華覆蓋其國皆在虛空中下向華甚香極自軟好香遍國中華皆自散無量清淨佛及諸菩薩阿羅漢上華墮地皆厚四寸華適小萎則自然亂風吹華華自然去則四方俱復自然亂風起吹七寶樹七寶

樹皆復自作五音聲亂風吹七寶樹華華復如前皆自然散無量清淨佛及諸菩薩阿羅漢上華墮地復厚四寸華小萎則自然亂風吹華華悉自然去亂風吹華如是四反則第一四天王諸天人第二忉利天上諸天人第三天上諸天人第四天上諸天人第五天上諸天人第六天上諸天人第七梵天上諸天人上至第十六天上諸天天上至三十六天上諸天人皆持天上萬種自然之物百種雜色華百種雜香百種雜繒綵百種劫波育疊衣萬種伎樂轉倍好相勝各持來下為無量清淨佛作禮則供養無量清淨佛及諸菩薩阿羅漢諸天人皆復大作伎樂樂無量清淨佛及諸菩薩阿羅漢當是之時快樂不可言諸天人前來者轉去避後來者後來者轉復供養如前更相開避則東方無央數佛國不可復計如恒水邊流沙一沙一佛其數如是諸佛各遣諸菩薩無央數不可復計皆飛到無量清淨佛所則為無量清淨佛作禮以頭面著佛足悉却坐一面聽經聽經竟諸菩薩皆大歡喜悉起為無量清淨佛作禮而去則西方無央數諸佛國復如恒水邊流沙一沙一佛其數如是諸佛各復遣諸菩薩無央數都不可復計皆飛到無量清淨佛所則前為無量清淨佛作禮以頭面著佛足悉却坐一面聽經聽經竟諸菩薩皆大歡喜起為無量清淨佛作禮而去則北方無央數諸佛國復如恒水邊流沙一沙一佛其數如是諸佛各復遣諸菩薩無央數都不可復計

是諸佛各復遣諸菩薩無央數都不可復計

①(皆) ②前為 ③卷上終 ④卷中首 ⑤机:几 ⑥糜:靡 ⑦(華) ⑧自+(然) ⑨(劫) ⑩疊:鬪 ⑪言+(也)

皆飛到無量清淨佛所。則前為無量清淨佛作禮。以頭面著佛足。悉却坐一面聽經。聽經竟。諸菩薩皆大歡喜。起為無量清淨佛作禮而去。南方無央數諸佛。復如恒水邊流沙。一沙一佛。其數如是。諸佛各復遣諸菩薩無央數。都不可復計。皆飛到無量清淨佛所。則前為無量清淨佛作禮而去。則復四角無央數諸佛。各復如恒水邊流沙。一沙一佛。其數各如是。諸佛各復遣諸菩薩無央數。都不可復計。皆飛到無量清淨佛所。前為無量清淨佛作禮。已。頭面著佛足。悉却坐一面聽經。聽經竟。諸菩薩皆大歡喜。起為無量清淨佛作禮而去。佛言。八方上下諸無央數佛。更遣諸菩薩飛到無量清淨佛所。聽經供養轉更相開避。如是則下面諸八方無央數佛。一方者各復如恒水邊流沙。一沙一佛。其數復如是。諸佛各遣諸菩薩無央數。都不可復計。皆飛到無量清淨佛所。前為阿彌陀佛作禮。以頭面著佛足。悉却坐聽經。聽經竟。諸菩薩皆大歡喜。起為無量清淨佛作禮而去。上方諸佛更遣諸菩薩飛到無量清淨佛所。聽經供養。相開避。前來者則去。避後來者。後來者供養亦復如是。終無休絕極時。

譬若如恒沙刹 東方佛國如是
 各各遣諸菩薩 稽首禮無量覺
 西南北面皆爾 如是恒沙數土
 是諸佛遣菩薩 稽首禮無量覺
 此十方菩薩飛 皆以衣祴（音）諸華
 天拘蠶種種具 往供養無量覺

諸菩薩皆大集。遠三匝。叉手住。皆持華散佛上。於佛前住。自說所散華止。虛空其柄妙嚴飾。好諸菩薩都往。至如是人。聞佛名。吾等類得是德。計本國若如夢。見菩薩。遶世尊。國（音）覺眾甚清淨。時無量世尊笑。此數光從口出。則迴光還。遶佛。色霍然不復現。盧樓巨從坐起。白佛言。何緣笑。願授我本空。前聞是（音）諸音聲者。梵之音。及雷霆。佛授盧樓巨。決眾世界諸菩薩。聞歡喜。廣奉行。已到此嚴淨國。眼洞視耳徹聽。無量覺授其決。一切人聞說法。吾所願皆具足。稽首禮無際光。歎國尊無量覺。心清淨。稱無量。願使我刹如此。合成蓋。百由旬。悉遍覆眾會上。諸尊刹難得。值快安隱。得大利。諸此刹獲所好。無數劫淨此土。威神猛壽無極。無數劫難思議。三十六億那術。遍照諸無數刹。三匝已。從頂入。天亦人皆歡喜。正衣服。稽首問。唯世尊。說是意。慈護成百福。相一切人。踊躍喜。八種音深重聲。今吾說仁諦聽。到須阿提禮佛。疾得至（音）清淨處。便速得神足。俱亦還。得知宿命。我前世有本願。皆疾來生我國。從眾國來生者。

皆悉來到此間。若菩薩更興願。亦念度一切人。速疾超便可到。至無量光明土。其奉事億萬佛。恭敬已歡喜去。非有是功德人。唯有清淨戒者。曾更見世尊。雄謙恭敬。聞奉行。惡（音）驕慢弊懈怠。宿世時見佛者。譬從生盲冥者。聲聞悉或大乘。天中天相知意。辟支佛亦如是。使一切悉作佛。復過此億萬劫。講議說無數劫。佛之慧無邊幅。奉我教。乃信是佛所說。皆能受人之命。希可得。有信慧不可致。聞是法。而不忘。則我之善親厚。設令滿世界火。會當作世尊。將一生得不退轉。欲使國如我刹。令各願達十方。安樂國之世界。供養於無數佛。飛變化遍諸國。便還於須摩提。不得聞是經名。乃逮聞此正法。則得信。於是事。便踊躍大歡喜。難以信於此法。樂聽聞世尊教。欲得行開導人。何況於俗凡諸。聲聞不了佛行。獨正覺。乃知此。其淨智慧本空。計佛智無能及。盡壽命。猶不知。如是行清淨致。唯此人能解了。是則為第一證。佛在世。甚難值。若聞見精進求。便見敬得大慶。以是故發道意。過此中得聞法。度一切生老死。

①(更)+相 ②覺眾甚-學眾其 ③唯-惟 ④諸-語 ⑤得-清 ⑥各-名 ⑦驕-橋

佛語阿難。無量清淨佛為。諸菩薩阿羅漢說經竟。諸天人民中有未得須陀洹道者。則得須陀洹道。中有未得斯陀含道者。則得斯陀含道。中有未得阿羅漢道者。則得阿羅漢道。中有未得阿惟越致菩薩者。則得阿惟越致菩薩。阿彌陀佛。輒隨其本宿命求道時。心所喜願大小隨意。為說經。輒授之。令其疾開解得道。皆悉明慧。各自好喜。所願經道。莫不喜樂。誦習者。則各自諷誦經道。通利無厭。無極也。諸菩薩阿羅漢中。有誦經者。其音如雷聲。中有說經者。如疾風暴雨。時諸菩薩阿羅漢說經行道。皆各如是。盡一劫。竟終無懈倦時也。皆悉智慧勇猛。身體皆輕便。終無有痛痒極時。行步坐起。皆悉才健勇猛。如師子中王。在深林中。當有所趣向時。無有敢當者。無量清淨佛國諸菩薩阿羅漢。說經行道。皆勇猛。無有疑難之意。則在心所作為。不豫計。百千億萬倍。是猛師子中王也。如是猛師子中王。百千億萬倍。尚復不如我第二弟子摩訶目健連。勇猛百千億萬倍也。無量清淨佛國諸菩薩阿羅漢。皆勝我第二弟子摩訶目健連也。佛言。如摩訶目健連勇猛。於諸佛國諸阿羅漢中。最為無比。如摩訶目健連飛行進止。智慧勇猛。洞視徹聽。知八方上下。來現在之事。百千億萬倍。都合為一智慧勇猛。當在無量清淨佛國諸阿羅漢中者。其德尚復不如無量清淨佛國一阿羅漢智慧勇猛者。千億萬倍也。是時坐中有一菩薩字阿逸。菩

薩阿逸菩薩。則起前長跪叉手問佛言。阿彌陀佛國中。諸阿羅漢。寧頗有般泥洹去者不。願欲聞之。佛告阿逸菩薩。若欲知者。如是四天下星。若見之不。阿逸菩薩言。唯然。皆見之。佛言。而我第二弟子摩訶目健連。飛行四天下。星甚眾。多不可得計。尚為百千億萬倍。是四天下星也。佛言。如天下大海水。減去一滴水。寧能令海水為減不。阿逸菩薩言。減大海水百千億萬斗石水。尚復不能令海減少也。佛言。阿彌陀佛國諸阿羅漢中。雖有般泥洹去者。如是大海減一小水耳。不能令諸在阿羅漢為減知少也。佛言。減大海水一溪水。寧能減海水不。阿逸菩薩言。減大海水百千萬億溪水。尚復不能減海水。令知減少也。佛言。阿彌陀佛國諸阿羅漢中。有般泥洹去者。如是大海減一溪水耳。不能減諸在阿羅漢為減知少也。佛言。而大海減一恒水。寧能減海水不。阿逸菩薩言。減大海水百千萬億恒水。尚復不能減大海水。令知減少也。佛言。阿彌陀佛國諸阿羅漢。般泥洹去者。無央數。其在者。新得阿羅漢者。亦無央數。都不為增減也。佛言。令天下諸水。都流行入大海中。寧能令海水為增多不。阿逸菩薩言。不能令海水增多也。所以者何。是大海為天下諸水。眾善中王也。故能爾耳。佛言。無量清淨佛國亦如是。悉令八方上下。無央數佛國。無央數諸天人民。娟飛蠕動之類。都往生無量清淨佛國者。其輩甚大眾。多不可復計。無量清淨佛國諸菩

薩阿羅漢。眾比丘僧。都如常。一法不異。為增多也。所以者何。無量清淨佛國為最快。八方上下。無央數諸佛國中。眾菩薩中王也。無量清淨佛國。為諸無央數佛國中之雄國也。無量清淨佛國。為諸無央數佛國中之珍寶也。無量清淨佛國。為諸無央數佛國中之極長久也。無量清淨佛國。為諸無央數佛國中之眾傑也。無量清淨佛國。為諸無央數佛國中之廣大也。無量清淨佛國。為諸無央數佛國中。都自然之無為也。無量清淨佛國。為最快。明好甚樂之無極也。無量清淨佛國。獨勝者何。本為菩薩求道時。所願勇猛。精進不懈。累德所致。故乃爾耳。阿逸菩薩。則大歡喜。長跪叉手言。佛說無量清淨佛國諸阿羅漢。般泥洹去者。甚眾多。無央數。國土快善之極。明好。最殊無比。乃獨爾乎。佛言。無量清淨佛國諸菩薩阿羅漢。所居七寶舍宅。中有在虛空中居者。中有在地居者。中有有意欲令舍宅最高者。舍宅則高。中有有意欲令舍宅最大者。舍宅則大。中有有意欲令舍宅在虛空中者。舍宅則在虛空中。皆自然隨意。在所作為。中有殊。不能令其舍宅。隨意所作為者。所以者何。中有能者。皆是前世宿命求道時。慈心精進。益作諸善。德重所能致也。中有不能致者。皆是前世宿命求道時。不慈心精進。作善少德。小。悉各自然得之。所衣服飲食。俱自然平等耳。是故不同。德有大小別。知勇猛。令眾見耳。佛告阿逸菩薩。若見是第六天上。天王所居處。不耶。阿逸菩薩言。唯然。皆見之。佛言。無量清淨

佛國土講堂舍宅倍復勝第六天王所居處百千億萬倍也。無量清淨佛國其諸菩薩阿羅漢悉皆洞視徹聽悉復見知八方上下去來現在之事復知諸無央數天上天下人民及蝸飛蠕動之類皆悉知心意所念善惡口所欲言皆知當何歲何劫中得度脫得人道當往生無量清淨佛國知當作菩薩道得阿羅漢道皆豫知之。無量清淨佛國諸菩薩阿羅漢其項中光明皆悉自有光明所照大小其諸菩薩中有最尊兩菩薩常在無量清淨佛左右座邊坐侍政論無量清淨佛常與是兩菩薩共對坐議八方上下去來現在之事無量清淨佛若欲使令是兩菩薩到八方上下無央數諸佛所是兩菩薩便飛行則到八方上下無央數諸佛所隨心所欲至到何方佛所是兩菩薩則俱飛行則到飛行駛疾如佛勇猛無比其一菩薩名盧樓巨其一菩薩名摩訶那光明智慧最第一其兩菩薩項中光明各焰照他方千須彌山佛國常大明其諸菩薩項中光明各照千億萬里諸阿羅漢項中光明各照七丈佛言其世間人民善男子善女人若有一急恐怖遭縣官事者但自歸命是盧樓巨菩薩無所不得解脫者也。

佛說無量清淨平等覺經卷第三

佛說無量清淨平等覺經卷第三

後漢月氏國三藏支婁迦讖譯

佛告阿逸菩薩無量清淨佛項中光明極

大明其日月星辰皆在虛空中住止亦不復迴轉運行亦無有精光其明皆蔽不復現無量清淨佛光明照國中及焰照他方佛國常大明終無有當冥時也其國中無有一日二日也無有十五日一月也無有五月十月也無有五歲十歲也無有百歲千歲也無有萬歲億歲億萬歲十億萬歲也無有百千億萬歲也無有千億億萬歲也無有一劫十劫也無有百劫千劫也無有萬劫十萬劫也無有千萬劫也無有百千億萬劫也佛言無量清淨佛光明光明無極無量清淨佛光明却後無數劫無數劫重復無數劫無數劫不可復計劫劫無央數終無有當冥時也無量清淨國土及諸天終無有壞敗時也所以者何無量清淨佛壽命極長國土甚好故能爾耳佛言無量清淨佛尊壽却後無數劫常未央無般泥洹時也無量清淨佛於世間教授意欲適度八方上下諸無央數佛國諸天人及蝸飛蠕動之類皆欲使往生其國悉令得泥洹之道其諸有作菩薩者皆欲令悉作佛作已悉令轉復教授八方上下諸天人及蝸飛蠕動之類皆復欲令悉得作佛作佛時復教授無央數諸天人人民蠕動之類皆令得泥洹道去諸所可教授弟子者展轉復相教授轉相度脫至今得須陀洹斯陀含阿那含阿羅漢辟支佛道轉相度脫皆得泥洹之道悉如是無量清淨佛常未欲般泥洹也無量清淨佛所脫度展轉如是復住無數劫無數劫不可復計劫終無有般泥洹

時也八方上下無央數諸天人人民蝸飛蠕動之類其生無量清淨佛國者不可復勝數諸作阿羅漢得泥洹之道者亦無央數都不可復計也無量清淨佛恩德諸所布施八方上下無窮無極甚深大無量快善不可言也無量清淨佛智慧教授所出經道布告八方上下諸無央數天上天下甚多不原其經卷數甚大眾不可復計都無極也佛告阿逸菩薩若欲知無量清淨佛壽命無極時不也阿逸菩薩言願皆欲聞知之佛言明聽悉令八方上下諸無央數佛國中諸天人人民蝸飛蠕動之類皆使得人道悉令作辟支佛阿羅漢共坐禪一心都合其智慧為一勇猛共欲計知無量清淨佛壽命知壽幾千億萬劫歲數皆無有能計知極無量清淨佛壽者也佛言復令他方面各千須彌山佛國中諸天人人民及蝸飛蠕動之類皆復得人道悉令作辟支佛阿羅漢皆令坐禪一心共合其智慧都為一勇猛共欲數無量清淨佛國中諸菩薩阿羅漢計千億萬人皆無有能數者也佛言無量清淨佛年壽甚長久浩浩浩浩照明善甚深無極無底誰當能信知其者乎獨佛自知耳阿逸菩薩聞佛言即大歡喜長跪叉手言佛說無量清淨佛壽命甚長威神大智慧光明巍巍快善乃獨如是乎佛言無量清淨佛至其然後般泥洹者其盧樓巨菩薩便當作佛總領道智典主教授世間八方上下所過度諸天人人民蝸飛蠕動之類皆令得佛泥洹之道其善福德當得復如大師無量清淨佛住

①項+頂 ②駛+駛 ③那+(益) ④項中+頂中 ⑤(-) ⑥不分卷 ⑦(佛說) ⑧第二+上 ⑨第三+下 ⑩(後漢...譯) ⑪氏+支 ⑫劫+劫 ⑬無+未 ⑭適+過 ⑮蝸+蠕 ⑯作+(佛) ⑰佛+(得) ⑱泥+(洹) ⑲日+日 ⑳脫度+度脫 ㉑浩浩+皓皓

香散華^①然燈懸雜繒綵如是法者無所適貪不當瞋怒齋戒清淨慈心精進斷欲念欲往生無量清淨佛國一日一夜不斷絕者其人於今世亦復於臥睡夢中見無量清淨佛其人壽欲盡時無量清淨佛則化令其自見無量清淨佛及國土往生無量清淨佛國者可得智慧勇猛佛言其人奉行施與如是者若其然後中復悔心中狐疑不信分檀布施作諸善後世得其福不信有無量清淨佛國不信往生其國中雖爾其人續念不絕暫信暫不信意志猶豫無所專據續結其善願^②為本續得往生其人壽命病欲終時無量清淨佛則自化作形像令其人目自見之口不能復言便心中歡喜踊躍意念言我悔不知益齋作善今當生無量清淨佛國其人則心中悔過悔過者過差少無所^③復及其人壽命終盡則生無量清淨佛國不能得前至無量清淨佛所便道見無量清淨佛國界邊自然七寶城中便大歡喜道止其城中則於七寶水池蓮華中化生則受身自然長大在城中於是間五百歲其城廣縱各二千里城中亦有七寶舍宅舍宅中自然^④內外皆有七寶浴池浴池中亦有自然華繞浴池上亦有七寶樹重行皆復作五音聲其飲食時前亦有自然食具百味食在所欲得其人於城中快樂其城中比如第二忉利天上自然之物其人於城中不能得出復不能得見無量清淨佛但見其光明心中自悔責踊躍喜耳亦復不能得聞經亦復不能得見諸比丘

僧亦復不能得見知無量清淨佛國中諸菩薩阿羅漢狀貌何等類其人若如是^⑤比而小適耳佛亦不使爾身諸所作自然得之皆心自趣向道入其城中其人本宿命求道時心口各異言念無誠狐疑佛經復不信向之當自然入惡道中無量清淨佛哀愍威神引之去耳其人於城中五百歲乃得出往至無量清淨佛所聞經心不開解亦復不得在諸菩薩阿羅漢比丘僧中聽經以去所居處舍宅在地不能令舍宅隨意高大在虛空中復去無量清淨佛甚大遠不能得近附無量清淨佛其人智慧不明知經復少心不歡樂意不開解其人久久亦自當智慧開解知經明健勇猛心當歡樂次當復如上第一輩所以者何其人但坐其前世宿命求道時不大持齋戒虧失經法心意狐疑不信佛語不信佛經深不信分檀布施作善後世當得其福復坐中悔不信往生無量清淨佛國作^⑥德不至心用是故為第二中輩

佛言其三輩者其人願欲生無量清淨佛國若無所用分檀布施亦不能燒香散華然燈懸繒綵作佛寺起塔飲食沙門者當斷愛欲無所貪慕慈心精進不當瞋怒齋戒清淨如是清淨者當一心念欲生無量清淨佛國晝夜十日不斷絕者壽終則往生無量清淨佛國可復尊極智慧勇猛佛言其人作是^⑦已後若復中作悔心意用狐疑不信作善後世當得其福不信往生無量清淨佛國其人雖爾續得往生其人壽命病欲終時無量清淨

佛則令其人於臥睡夢中見無量清淨佛國土其人心歡喜自念言我悔不知益作善今當生無量清淨佛國其人但心念是口不能復言則自悔過悔過者過差減少悔者無所復及其人命終則生無量清淨佛國不能得前至便道見二千里七寶城中獨歡喜便止其中復於七寶水池蓮華中化生則自然長大其城亦復如前城法^⑧比第二忉利天上自然之物其人亦復於城中五百歲五百歲竟乃得出^⑨生無量清淨佛所心中大歡喜其人聽聞經心不開解意不歡喜智慧不明知經復少所居舍宅在地不能令舍宅隨意高大在虛空中復去無量清淨佛亦復如^⑩是第一輩狐疑者其人久久亦當智慧開解知經勇猛心當歡^⑪樂次如上第一輩也所以者何皆坐前世宿命求道時中悔狐疑暫信暫不信不信作善後得其福德皆自然得之耳隨其功德有^⑫鉉各自然趣向說經行道卓德萬殊不相及佛言其欲求作菩薩道生無量清淨佛國者其然後皆當得阿惟越致菩薩阿惟越致菩薩者皆當有三十二相紫磨金色八十種好皆當作佛隨心所願在欲於何方佛國作佛終不更泥^⑬犁禽獸辟荔隨其精進求道早晚之事事同等耳求道不休會當得之不失其所欲願也佛告阿逸菩薩等諸天帝王人民我皆語若曹諸欲生無量清淨佛國雖不能大精進禪持經戒者大要當作善一者不得殺生二者不得盜竊三者不得姪^⑭姪犯愛他人婦

①(甚重自在) ②(知) ③(番) ④(翻) ⑤(播) ⑥(常) ⑦(當) ⑧(然) ⑨(經) ⑩(名) ⑪(為) ⑫(龍) ⑬(須) ⑭(復) ⑮(龍) ⑯(外) ⑰(比) ⑱(比) ⑲(功) ⑳(德) ㉑(已) ㉒(以) ㉓(比) ㉔(如) ㉕(生) ㉖(至) ㉗(是) ㉘(前) ㉙(樂) ㉚(喜) ㉛(犁) ㉜(犁) ㉝(姪) ㉞(洗) ㉟(欲) ㊱(後) ㊲(毒) ㊳(怒) ㊴(毒) ㊵(怒) ㊶(毒) ㊷(堅) ㊸(慳) ㊹(去) ㊺(法) ㊻(齋) ㊼(齋) ㊽(齋) ㊾(齋) ㊿(齋)

眾寒熱與痛共居，或時坐之終身天命，亦不肯作善為道，壽命盡死皆當獨遠去，有所趣向善惡之道莫能知者，或時世人父子兄弟夫婦家室，中外親屬居天地之間，當相敬愛不當相憎，有無當相給與，不當有貪，言色當和莫相違戾，或儻心爭有所恚怒，今世恨意微相嫉憎，後世轉劇至成大怨，所以者何？今世之事更欲相患害，雖不臨時應急相破，殺之愁毒結憤精神，自然剋識不得相離，皆當對相生，值更相報復，人在世間愛欲之中，獨來獨去死生，當行至趣苦樂之處，身自當之無有代者，善惡變化殃咎異處，宿豫嚴待當獨昇入，遠到他處莫能見者，去在何所善惡自然追逐往生，窈窈冥冥別離久長，道路不同會見無期，甚難甚難復得相值，何不棄眾事各勤強健時努力，力為善力精進，來度世可得極長壽，殊不肯求於道，復欲何須待，欲何樂乎？如是世人不信作善得善，不信為道得道，不信死後世復生，不信施與得其福德，都不信之，亦以謂之不然，言無有是，但坐是故，且自見之，更相看視，前後轉相承受，父餘教令，先人祖父素不作善，本不為道，身愚神闇，心塞意閉，不見天道，殊無有能見，人生死有所趣向，亦莫能知者，適無有見善惡之道，復無有語者，為用作善惡福德殃咎禍罰各自競作，為之用殊無有怪也，至於生死之道轉相續，顛倒上下無常根本，皆當過去不可常得，教語開導信道者少，皆當生死無有休止，如是曹人，朦冥抵突不信經語，各

欲快意心不計慮，愚癡於愛欲不解於道德，迷惑於瞋怒貪，狠於財色，坐之不得道，當更勤苦極在於惡處生，終不得止休息，痛之甚可傷，或時家室中外父子兄弟夫婦，至於生死之義更相哭淚轉相思慕，憂念憤結恩愛繞續，心意痛著對相顧，思晝夜無有解時，教示道德心不開明，恩愛情欲不離，閉塞蒙蒙交錯覆蔽，不得思計，心自端正決斷世事，專精行道便旋至竟，年壽命盡不能得道，無可奈何，總猥憤，皆貪愛欲，如是之法不解道者多，得道者少，世間忽忽無可聊賴，尊卑上下豪貴貧富男女大小各自忽務勤苦躬身，各懷殺毒惡氣，窈冥莫不惆悵為妄作事，惡逆天地不從仁心道德，非惡先隨與之，恣聽所為，其壽未至，便頓奪之下入惡道，累世勤苦展轉愁毒，數千萬億歲無有出期，痛不可言，甚可憐愍，佛告阿逸菩薩等諸天帝王人民，我皆語若曹，世間之事，人用是故坐不得道，若曹熟思惟之，惡者當縱捨遠離之，從其善者當堅持之，勿妄為非，益作諸善，大小多少，愛欲之榮皆不可常得，猶當別離無可樂者，勤佛世時其有信愛佛經語，深奉行道德，皆是我弟子也，其有甫欲學佛經戒者，皆是我弟子也，其有欲出身去家捨妻子絕去財色，欲來作沙門為佛作比丘者，皆是我子孫，我世甚難得值，其有願欲生無量清淨佛國者，可得智慧勇猛為眾所尊敬，勿得隨心所欲虧負經戒在人後，儻有疑意不解經者，復前問佛，佛當為若解之，阿逸

菩薩長跪叉手言，佛威神尊重，所說經快善，我曹聽佛經語，皆心貫思之，世人實爾，如佛所語無有異，今佛慈哀我曹，開視天道教語生路，耳目聰明長得度脫，若得更生，我曹聽佛經語莫不慈心歡喜，踊躍開解者，我曹及諸天帝王人民，蜎飛蠕動之類，皆蒙佛恩無不得解脫憂苦者，佛諸教戒甚深無極無底，佛智慧所見，知八方上下來現在之事，無上無邊幅，佛甚難得值經道甚難得聞，我曹皆慈心於佛所，今我曹得度脫者，皆是佛前世求道時，慊苦學問精進所致，恩德普覆，所施行福德相祿，巍巍光明，徹照洞虛無極，開入泥洹教授經典，制威消化，愍動八方上下無窮無極，佛為師法尊絕，群聖都無能及佛者，佛為八方上下諸天帝王人民作師，隨其心所欲願，大小皆令得道，今我曹得與佛相見，得聞無量清淨佛聲，我曹甚喜，莫不得點慧開明者，佛告阿逸菩薩，若言是實當爾，若有慈心於佛所者，大善實當念佛，天下久久乃復有佛耳，今我於苦世作佛，所出經道教授洞達，截斷狐疑端心，正行拔諸愛欲，絕眾惡根本，遊步無拘，典總智慧，眾道表裏攬持維綱，昭然分明，開示五道，決正生死泥洹之道，佛言，若曹從無數劫以來不可復計劫，若曹作菩薩道欲過度諸天人及蜎飛蠕動之類，以來甚久遠，人從若得度者無央數，至得泥洹之道者亦無央數，若曹及八方上下諸天帝王人民，若比丘比丘尼優婆塞優婆夷，若曹宿命從無

~接276 賜賜賜 殺然 勤勸 力 來求 更狠 更於 思戀 窈冥 勤勸 曼 愛受 諸語 小弟弟子 視天示大 深難 今念 慊勤元 愍改 實 喜善 拔伏 昭然 照 開示

寶貪重坐之思念心勞身苦如是至竟無所恃怙獨來獨去無一隨者善惡禍福殃咎譴罰追^①命所生或在樂處或入毒苦然後乃悔當復何及或時世人愚心少智見善誹謗恚之不肯慕及但欲為惡妄作非法但欲盜竊常懷^②毒心欲得他人財物用自供給消散^③摩盡賜復求索邪心不正常獨恐怖畏人有色臨時不計事至乃悔今世現在長吏牢獄自然趣向受其殃咎世間貧窮乞丐孤獨但坐前世宿命不信道德不肯為善今世為惡天神別籍壽終入惡道故有自然泥^④犁禽獸薛荔蝸飛蠕動之類展轉其中世世累劫無有出期難得解脫痛不可言是為二大惡二痛二燒勤苦如是比如火起燒人身人能自於其中一心制意端身正行獨作^⑤眾善不為眾惡者身獨度脫得其福德可得長壽度世上天泥洹之道是為一大善

佛言其三惡者世間人民寄生相因共依居天地之間處年壽命無能幾歲至有豪貴者賢明善人下有貧賤疴羸患者中有不良之人但懷念毒惡身心不正常念姪洗煩滿胸中愛欲交錯坐起不安貪意慳惜但欲唐得眇眇細色惡態姪洗有婦厭憎私妄出入持家所有相結為非聚會飲食自共作惡興兵作賊攻城格鬪劫殺截斷強奪不道取人財物偷竊趣得不肯治生所當求者不肯為之惡心在外不能專作欲擊成事恐勢迫脅持歸給家共相生活恣心快意極身作樂^⑥行亂他人婦女或於其親屬不避尊卑長老眾

共憎惡家室中外患而苦之亦復不畏縣官法令無所避錄如是之惡自然牢獄日月照識神明記取諸神攝錄故有自然泥犁禽獸薛荔蝸飛蠕動之類展轉其中世世累劫無有出期難得^⑦度脫痛不可言是為三大惡三痛三燒勤苦如是比^⑧若火起燒人身人能自於其中一心制意端身正行獨作眾善不為眾惡者身獨度脫得其福德可得長壽度世上天泥洹之道是為三大善佛言其四惡者諸惡人不能作善自相壞敗轉相教令共作眾惡主為傳言但欲兩舌惡口罵詈妄語相嫉更相鬪亂憎嫉善人敗壞賢善於傍快惡復不孝順供養父母輕易師父知識無信難得誠實自^⑨言尊貴有道橫行威武加^⑩捲力勢侵剋易人不能自知為惡^⑪無自羞慚自用頗健令人承事敬畏不敬畏天地神明日月亦不可教令作善不可降化自用偃蹇謂常當爾亦復無憂哀心亦不知恐懼恣意憍慢如是天神記識賴其前世宿命頗作福德小善扶接營護助之今世作惡福德盡^⑫賜諸善鬼神各去離之身獨空立無所復依受重殃^⑬謫壽命終身惡繞歸自然迫促當往追逐不得止息自然眾惡共趣頓乏^⑭其有名籍在神明所殃^⑮咎引牽當值相得當往趣向受過謫罰身心摧碎神形苦極不得離却但得前行入於火鑊當是時悔復何益當復何及天道自然不得蹉跌故有泥犁禽獸薛荔蝸飛蠕動之屬展轉其中世世累劫無有出期難得解脫痛不可言是為四大

惡四痛四燒勤苦如是比^⑯如火起燒人身人能於其中一心制意端身正行獨作眾善不為眾惡者身獨度脫得其福德可得長壽度世上天泥洹之道是為四大善佛言其五惡者世人徒倚懈惰不肯作善不念治生妻子飢寒父母俱然欲呵教其子其子惡心瞋目應怒言令不和違戾反逆劇於野人比若怨家不如無子妄遍假貸眾共患厭尤無返^⑰復無有報償之心窮貧困乏不能復得幸較諧聲放縱遊散串數唐得自用^⑱賑給不畏防禁飲食無極^⑲喫酒嗜美出入無有期度^⑳魯扈抵突不知人情睚^㉑眦強制見人有^㉒喜憎嫉恚之無義無禮自用^㉓識當不可諫曉亦復不憂念父母妻子有無又復不念^㉔卒報父母之德亦復不念師父之恩心常念惡口常言惡日不成就不信道德不信有賢明先聖不信作善為道可得度世不信世間有佛欲殺羅漢鬪比丘僧常欲殺人欲殺父母兄弟妻子宗親朋友父母兄弟妻子宗親朋友憎惡見之欲使之死不信佛經語不信人壽命終盡死後世復生不信作善得善不信作惡得惡如是曹人男子女人心意俱然違戾反逆愚癡^㉕蒙冥瞋怒嗜欲無所識知自用快善^㉖為大智慧亦不知所從來生死所趣向不肯慈孝惡逆天地於其中間求望僥倖欲得長生躬得不死會當歸就生死勤苦善惡之道身所作惡殃咎眾趣不得度脫亦不可降化令作善慈心教

~ ①命念念 ②毒恚 ③摩盡賜 ④犁黎 ⑤眾諸 ⑥相(假) ⑦(長)者 ⑧姪恣 ⑨興與 ⑩不無 ⑪迫拍 ⑫行姪 ⑬記紀 ⑭度解 ⑮(如)若 ⑯言大 ⑰捲權 ⑱無不 ⑲傷賜 ⑳謫適 ㉑乏之 ㉒其有 ㉓其有 ㉔咎各 ㉕如而 ㉖復覆 ㉗賑振 ㉘喫嚙 ㉙魯虞 ㉚眦吁 ㉛肝 ㉜喜善 ㉝職識 ㉞卒酬 ㉟濛

語開導生死善惡所趣有是復不信之然苦心與語欲令度脫無益其人心中閉塞意不開解大命將至至時皆悔其後乃悔當復何及不豫計善臨窮何益天地之間五道分明恢廓窈窕浩浩茫茫轉相承受善惡毒痛身自當之無有代者道之自然隨其所行追命所生不得縱捨善人行善從善慈孝從樂入樂從明入明惡人行惡從苦入苦從冥入冥誰能知者獨佛知見耳教語人民信用者少生死不休惡道不絕如是世人不可悉道故有自然泥犁禽獸辟荔蝸飛蠕動之類展轉其中世世累劫無有出期難得解脫痛不可言是為五大惡五痛五燒勤苦如是比如火起燒人身人能自於其中一心制意端身正行言行相副所作至誠所語如語心口不轉獨作眾善不為眾惡者身獨度脫得其福德可得長壽度世上天泥洹之道是為五大善佛告阿逸菩薩等我皆語若曹是世五惡勤苦如是令起五痛令起五燒展轉相生世間人民不肯為善欲作眾惡敢有犯此諸惡事者皆悉自然當具更歷入惡道中或其今世先被病殃死生不得示眾見之壽終趣入至極大苦愁痛酷毒自相焦然轉相燒滅至其後共作怨家更相傷殺從小微起至大困劇皆從貪淫財色不肯忍辱施與各欲自快無復有曲直欲得健名為癡欲所迫隨心思想不能得也結憤胸中財色縛束無有解脫不知厭足厚己諍欲無所省錄都無義理不隨正道富貴榮華當時快意

不能忍辱不知施善威勢無幾隨惡名焦身坐勞苦久後大劇自然隨逐無有解已王法施張自然糺舉上下相應羅網綱紀榮榮逸菩薩等若世有是佛皆慈愍哀之威神摧動眾惡諸事皆消化之令得去惡就善棄捐所思奉持經戒莫不承奉施行經法不敢違失度世無為泥洹之道快善極樂甚明無極佛言若曹諸天帝王人民及後世人得佛經語熟思惟之能自於其中端心正行其上上為善率化檢御其下教語人民轉相勅令轉共為善轉相度脫各自端守慈仁愍哀終身不殆尊聖敬孝通洞博愛佛語教令無敢虧負當憂度世泥洹之道當憂斷截生死痛痒拔惡根本當憂斷絕泥犁禽獸辟荔蝸飛蠕動之類惡苦之道當勸佛世堅持經道無敢失也佛言若曹當作善者云何第一急當自端身當自端心當自端目當自端耳當自端鼻當自端口當自端手當自端足能自檢斂莫妄動作身心淨潔俱善相應中外約束勿隨嗜欲不犯諸惡言色常和身行當專行步坐起不動作事所為當先熟思慮計之揆度才能視瞻圓規安定徐作為之作事倉卒不豫熟計為之不諱亡其功夫敗悔在後唐苦亡身至誠忠信得道絕去佛言若曹於是益作諸善布恩施德能不犯道禁忍辱精進一心智慧展轉復相教化作善為德如是經法慈心專一齋戒清淨一日一夜者勝於無量清淨佛國作

善百歲所以者何無量清淨佛國皆積德眾善無為自然在所求索無有諸惡大如毛髮佛言於是作善十日十夜者其得福勝於他方佛國中人民作善千歲所以者何他方佛國皆悉作善作善者多為惡者少皆有自然之物不行求作便自得之是間為惡者多為善者少不行求作不能得也人能自端制作善至心求道故能爾耳是間無有自然不能自給當行求索勤苦治生轉相欺怠調作好惡得其財物歸給妻子飲苦食毒勞心苦身如是至竟心意不專周旋不安人能自安靜為善精進作德故能爾耳佛言我皆哀若曹及諸天帝王人民皆教令作諸善不為眾惡隨其所能輒授與道教戒開導悉奉行之則君率化為善教令臣下父教其子兄教其弟夫教其婦室家內外親屬朋友轉相教語作善為道奉經持戒各自端守上下相檢無尊無卑無男無女齋戒清淨莫不歡喜和順義理勸樂慈孝自相約檢其有得佛經語悉持思之不當所作如犯為之則自悔過去惡就善棄邪為正朝聞夕改奉持經戒劇如貧人得寶佛所行處所在郡國輒授與經戒諸天日月星辰諸神國王傍臣長吏人民諸龍鬼神泥犁禽獸承奉行之則君改化為善齋戒精思淨自湔洒端心正行居位嚴慄教勅眾為善奉行道禁令言令止臣事其君忠直受令不敢違負父子言令孝順承受兄弟夫婦宗親朋友

~ 頑-蒙冥 ① 蒙空 ② 為大-大為 ③ 窈-窈 ④ 追-退 ⑤ 知見-見知 ⑥ 悉-迷 ⑦ 如-而 ⑧ 更具-具更 ⑨ 諍-爭 ⑩ 松松-松松 ⑪ 慈-悉 ⑫ 奉-受 ⑬ 殆-怠 ⑭ 痒-癢 ⑮ 勸-勵 ⑯ 敢-取 ⑰ 斂-斂 ⑱ 常和-當和 ⑲ 當知 ⑳ 圖-圖 ㉑ 後-彼 ㉒ 絕-犯 ㉓ 於-(在) ㉔ 為-作 ㉕ (世)-人 ㉖ 怠-詒 ㉗ 室家-家室 ㉘ 勸-歡 ㉙ 慄-慄 ㉚ 止-正 ㉛ 玄應音義3: 辟荔, 正言彌荔多, 譯祖父鬼, 舊譯餓鬼, 於中最劣

上下相令順言和理，尊卑大小轉相敬事，以禮如義不相違負，莫不改往修來，洒心易行，端正中表，自然作善，所願輒得，感善降化，自然之道，求欲不死，則可得長壽，求欲度世，則可得泥洹之道。佛言：佛威神尊重，消惡化善，莫不度脫。今我出於天下，在是惡中，於苦世作佛，慈愍哀傷，教語開道，諸天帝王，傍臣左右，長吏人民，隨其心所欲，願樂皆令得道。佛諸所行處，所更過，歷郡國，縣邑丘聚，市里，莫不豐熟，天下太平，日月運照，倍益，明好，風雨時節，人民安寧，強不凌弱，各得其所，無惡歲，疾疫無病，瘦者，兵革不起，國無盜賊，無有怨枉，無有拘閉者，君臣人民，莫不歡喜，忠慈至誠，各自端守，皆自然守國，雍和孝順，莫不歡樂，有無相與，布施德，心歡樂，與皆相敬愛，推財讓義，謙讓於先，前後以禮敬事，如父如子，如兄如弟，莫不仁賢，和順禮節，都無違諍，快善無極。佛言：我哀子曹欲度脫之，劇父母念子，今八方上下，諸天帝王，人民及蝸飛蠕動之類，得佛經戒，奉行佛道，皆得明慧，心悉開解，莫不得度，過度脫憂苦者，今我作佛，在於五惡五痛五燒之中，降化五惡，消盡五痛，絕滅五燒，以善攻惡，拔去毒苦，令得五善，明好，燒惡不起，我般泥洹，去後，經道稍稍斷絕，人民諛諂，淳為眾惡，不復作善，五燒復起，五痛劇苦，復如前法，自然還復，久後轉劇，不可悉說，我但為若曹小道之耳。佛告阿逸菩薩等：若曹各思持之，展轉相教戒，如佛經法，無敢犯也。阿逸菩薩長

跪叉手言：佛所說甚苦痛，世人為惡，甚劇如是，如是佛皆慈哀，悉度脫之，皆言受佛重教，請展轉相承，不敢犯也。佛告阿難：我哀若曹，令悉見無量清淨佛，及諸菩薩，阿羅漢，所居國土，若欲見之，不阿難則大喜，長跪叉手言：願皆欲見之。佛言：若起更被袈裟，西向拜，當日沒處，為無量清淨佛作禮，以頭面著地言：南無無量清淨平等覺，阿難言：諾。受教則起，更被袈裟，西向拜，當日所沒處，為無量清淨佛作禮，以頭腦著地言：南無無量清淨平等覺，阿難未起，無量清淨佛便大放光明，威神則遍八方上下，諸無央數佛國，天地則皆為大震動，諸天無央數天地，須彌山羅寶，摩訶須彌，大山羅寶，諸天大地，小界，其中諸有大泥犁，小泥犁，諸山林溪谷，幽冥之處，皆則大明，悉雨大開闢，則阿難諸菩薩，阿羅漢等，諸天帝王，人民悉皆見無量清淨佛，及諸菩薩，阿羅漢國土，七寶已，心皆大歡喜，踊躍，悉起為無量清淨佛作禮，以頭腦著地，皆言：南無無量清淨三藐三佛陀，無量清淨佛放光明，威神已，諸無央數天人，人民及蝸飛蠕動之類，皆悉見無量清淨佛，光明莫不慈心歡喜，作善者，諸有泥犁禽獸，辟荔，諸有考治，勤苦之處，則皆休止，不復治，莫不解脫，憂苦者，諸有盲者，則皆得視，諸跛躄，蹇者，則皆得行走，諸病者，則皆愈起，諸疴者，則皆強健，愚癡者，則皆更點慧，諸有姪，洗瞋怒者，皆悉慈心作善，諸有被毒者，毒皆不行，鍾鼓琴瑟，篪樂器，諸伎不鼓，皆自作音聲。

婦女珠環，皆自作聲，百鳥畜獸，皆自悲鳴，當是之時，莫不歡喜，得過度者，則時爾日，諸佛國中，諸天人，莫不持天上華香，來下於虛空中，悉皆供養，散諸佛，及無量清淨佛，上諸天，各共大作萬種自然伎樂，樂諸佛，及諸菩薩，阿羅漢，當是之時，甚快樂，不可言。佛告阿難：阿逸菩薩等，我說無量清淨佛，及諸菩薩，阿羅漢國土，自然七寶，當無有異乎。阿難長跪叉手言：佛說無量清淨佛國土，快善，如佛所說，無有一異。佛言：我說無量清淨佛功德，國土快善，晝夜一劫，尚復未竟，我但為若曹小說之耳。阿逸菩薩則長跪叉手問佛言：今佛國從是間，當有幾阿惟越致菩薩，往生無量清淨佛國，願聞之。佛言：若欲知者，當有七百二十億阿惟越致菩薩，皆往生無量清淨佛國，一阿惟越致菩薩者，前後供養無央數諸佛，以次如彌勒，皆當作佛，及其餘諸小菩薩輩者，無央數不可復計，皆當往生無量清淨佛國，佛告阿逸菩薩：不但我國中，諸菩薩當往生無量清淨佛國，他方異國，復有佛亦復如是，第一佛名光遠，其國有百八十億菩薩，皆當往生無量清淨佛國，他方異國，第二佛名寶積，其國有九十億菩薩，皆當往生無量清淨佛國，他方異國，第三佛名儒無垢，有二百二十億菩薩，皆當往生阿彌陀佛國，他方異國，第四佛名無極光明，其國有二百五十億菩薩，皆當往生無量清淨佛國，他方異國，第五佛名於世無上，其

~西陽雜俎：人犯五千惡為五獄鬼，萬惡乃墮辟荔 ①今：令 ②苦：若 ③道：導 ④里：塵 ⑤凌：陵 ⑥歲：穢 ⑦枉：枉 ⑧如：如 ⑨度：度 ⑩諛：諛 ⑪甚：其 ⑫承：教 ⑬令：悉 ⑭被：被 ⑮雨：皆 ⑯光：大 ⑰洗：(者皆修梵行) ⑱爾日：念日 ⑲皆：(當) ⑳異：佛

國有六百億菩薩皆當往生無量清淨佛國。他方異國第六佛名勇光，其國有萬四千菩薩皆當往生無量清淨佛國。他方異國第七佛名具足交絡，其國有十四億菩薩皆當往生無量清淨佛國。他方異國第八佛名雄慧王，其國有八菩薩皆當往生無量清淨佛國。他方異國第九佛名多力無過者，其國有八百一十億菩薩皆當往生無量清淨佛國。他方異國第十佛名吉良，其國有萬億菩薩皆當往生無量清淨佛國。他方異國第十一佛名慧辯，其國有萬二千菩薩皆當往生無量清淨佛國。他方異國第十二佛名無上華，其國有諸菩薩無央數不可復計，皆阿惟越致皆智慧勇猛，各供養無央數諸佛。以一時俱心願欲往^①生，皆當生無量清淨佛國。他方異國第十三佛名樂大妙音，其國有七百九十億菩薩皆當往生無量清淨佛國。佛言是諸菩薩皆阿惟越致，諸比丘僧中及小菩薩輩無央數，皆當往生無量清淨佛國。不獨是十四佛國中諸菩薩當往生也，都八方上下無央數佛國諸菩薩輩，各各如是皆當往生無量清淨佛國。其無央數都共往會無量清淨佛國，大眾多不可復計。我但說八方上下無央數佛名字，晝夜一劫尚未竟，我但復說佛國諸比丘僧眾菩薩，當往生無量清淨佛國。人數說之一劫不休止尚未竟，我但為若曹總攬都小說之耳。佛語阿難阿逸菩薩等，其世間帝王人民善男子善女人，前世宿命行善所致相祿，適當

聞無量清淨佛聲，慈心歡喜，我代之喜。佛言，其有善男子善女人，聞無量清淨佛聲，慈心歡喜，一時踊躍，心意清淨，衣毛為起，拔出者，皆前世宿命作佛道。若他方佛故，菩薩非凡人，其有人民男子女人，聞無量清淨佛聲，不信有佛者，不信佛經語，不信有比丘僧，心中狐疑都無所信者，皆故從惡道中來生。愚蒙不解宿命殃惡未盡，未當得度脫，故心中狐疑不信向耳。佛言，我語若曹，若曹所當作善法，皆當奉行信之，無得以我般泥洹去後，故若曹及後世人，無得復言，我不信有無量清淨佛國。我故令若曹悉見無量清淨佛國土，所當為者，若自求之，我具為汝曹道說經戒順法。若曹當如佛法持之，無得毀失，我持是經以累汝曹。汝曹當堅持之，無得為妄增減。是經法我般泥洹去後，經道留止千歲，千歲後經道斷絕，在心所願皆可得道。佛言，師開導人耳目，智慧明達，度脫人令得善合泥洹之道，常當慈孝，於佛如父母常念師恩，當念不斷絕，則得道疾。佛言，天下有佛者，甚難得值，人有信受師法經語深者，亦難得值。若有沙門若師為人說佛經者，甚難得值。佛說是經時，則萬二千億諸天人民，皆得天眼徹視，悉一心皆為菩薩道。則二百二十億諸天人，民皆得阿那含道。則八百沙門皆得阿羅漢道。則四十億菩薩皆得阿惟越致。佛說經已，諸菩薩阿羅漢諸天帝王人民，皆大歡喜，前趣為佛作禮，遶佛三匝，以頭面著佛足而去。

佛說阿彌陀三耶三佛薩樓佛檀過度人道經卷上 No. 362 [Nos. 360, 361, 363, 364] 吳月支國居士支謙譯

佛在羅閱祇耆闍崛山中，時有摩訶比丘僧萬二千人，皆淨潔一種類，皆阿羅漢，賢者拘隣，賢者拔智致，賢者摩訶那彌，賢者合尸，賢者須滿日，賢者維末坻，賢者不迦，賢者迦為拔坻，賢者憂為迦葉，賢者那履迦葉，賢者那翼迦葉，賢者舍利弗，賢者摩訶目捷連，賢者摩訶迦葉，賢者摩訶迦旃延，賢者摩訶揭質，賢者摩訶拘私，賢者摩訶梵提，賢者那提文陀，賢者阿難律，賢者難提，賢者躡脾坻，賢者須楓，賢者蠶越，賢者摩訶羅倪，賢者摩訶波羅延，賢者波鳩叟，賢者難持，賢者滿楓，賢者蔡揭，賢者厲越，如是諸比丘僧甚眾多，數千億萬人，悉諸菩薩阿羅漢無央數不可復計，都共大會坐，皆賢者也。時佛坐息思念正道，面有九色光，數千百變，光色甚大明，阿難即起更被袈裟，前以頭面著佛足，即長跪叉手問佛言，今日佛面光色，何以時時更變明乃爾乎？今佛面光精數千百色，上下明好乃如是，我侍佛已來未曾見佛面有如今日色者，我未曾見三耶三佛光明威神，乃爾獨當有意願欲聞之。佛言，賢者阿難，有諸天神教汝，若諸佛教汝，今問我者，耶汝自從善意出問佛耶？阿難白佛言，無有諸天神教我，亦無諸佛教我，令問佛也。

①無上華-佛②以-已③(生)-④其-甚⑤迺-乃⑥拔-淚⑦蒙-朦⑧順-慎⑨得-以⑩絕+(我皆慈哀特留是經法止住百歲百歲中竟乃休止絕)⑪舍-合⑫(佛說)-⑬第四-下⑭佛說阿彌陀三耶...人道經卷上-佛說阿彌陀經卷上⑮支-氏⑯(國居士)-⑰(國居士)-優婆塞⑱僧+(等)⑲合-合⑳迺-乃㉑蠶-螺㉒持-待㉓即-却㉔已-以㉕令-今

我自從善心知佛意問佛^①耳每佛坐起行來出入所欲至到當所作為諸所教勅者我輒^②知佛意今佛獨當念諸已過去佛諸當來佛若他方佛國今現在佛獨展轉相思念故佛面色光明乃爾耳佛言善哉善哉賢者阿難汝所問者甚深大快多所度脫若問佛者勝於供養一天下阿羅漢辟支佛布施諸天人及人民及蜎飛蠕動之類累劫百千億萬倍也佛言阿難今諸天世間帝王人民及蜎飛蠕動之類汝皆度脫之佛言佛威神甚重難當也汝所問者甚深汝乃慈心於佛所哀諸天帝王人民若比丘僧比丘尼優婆塞優婆夷大善當爾皆過度之佛語阿難如世間有優曇樹但有實無有華也天下有佛乃有華出耳世間有佛甚難得值也今我出於天下作佛若有大德聖明善心豫知佛意若不妄在佛邊侍佛也佛告阿難前已過去事摩訶僧祇^③已來其劫無央數不可復計乃爾時有過去佛名提想竭羅次復有佛名旃陀倚已過去次復有佛名須摩扶劫波薩多已過去次復有佛名維末樓已過去次復有佛名阿難那利已過去次復有佛名那竭脾已過去次復有佛名^④者梨俱^⑤遣波羅夜蔡已過去次復有佛名彌離俱樓已過去次復有佛名載陀尼已過去次復有佛名朱蹄波已過去次復有佛名凡扶坻已過去次復有佛名墮樓勒耶已過去次復有佛名旃陀扈斯已過去次復有佛名須耶惟于沙已過去次復有佛名拘還彌鉢摩耆已過去次復有佛名

屍利^⑥滑竒^⑦已過去次復有佛名摩訶那提已過去次復有佛名耆頭摩提已過去次復有佛名羅隣祇離已過去次復有佛名俞樓俱路蔡已過去次復有佛名滿呼群尼鉢賓頌已過去次復有佛名旃陀迦^⑧拔想沙已過去次復有佛名旃陀蔡拘岑已過去次復有佛名潘波蚤頻尼已過去次復有佛名載波想斯已過去次復有佛名阿術祇陀揭蚤已過去次復有佛名勿署提已過去次復有佛名質夜蔡已過去次復有佛名曇摩想提已過去次復有佛名篩耶維頌質已過去次復有佛名樓耶帶已過去次復有佛名僧迦羅彌樓迦帶已過去次復有佛名曇昧摩提阿維難提已過去佛告阿難次復有佛名樓夷巨羅在世間教授壽四十二劫乃爾時世有大國王王聞佛經道心即歡喜開解便棄國捐王行作沙門字曇摩迦作菩薩道為人高才智勇猛與世人絕異往到樓夷巨羅佛所前為佛作禮^⑨却長跪叉手白佛言我欲求佛為菩薩道令我後作佛時於八方上下諸無央數佛中最尊智慧勇猛頭中光明如佛光明所照無極所居國土自然七寶極自軟好令我後作佛時教授名字皆聞八方上下無央數佛國莫不聞知我名字者諸無央數天人及蜎飛蠕動之類諸來生我國者悉皆令作菩薩阿羅漢無央數都勝諸佛國如是者寧可得^⑩不佛語阿難其樓夷巨羅佛知其高明所願快善即為曇摩迦菩薩說經言譬如天下大海水一人斗量之一劫

不止尚可枯盡令空得其底^⑪泥人至心求道可如當不可得乎求索精進不休止會當得心中所欲願爾曇摩迦菩薩聞樓夷巨羅佛說經如是即大歡喜踊躍其佛即選擇二百一十億佛國土中諸天人民之善惡國土之好醜為選擇心中所欲願夷巨羅佛說經竟曇摩迦便一其心即得天眼徹視悉自見二百一十億諸佛國中諸天人民之善惡國土之好醜即選擇心中所願便結得是二十四願經則奉行之精進勇猛勤苦求索如是無央數劫所師事供養諸已過去佛亦無央數其曇摩迦菩薩至其然後自致得作佛名阿彌陀佛最尊智慧勇猛光明無比今現在所居國土甚快善在他方異佛國教授八方上下諸無央數天人及蜎飛蠕動之類莫不得過度解脫憂苦佛語阿難阿彌陀佛為菩薩時常奉行是二十四願珍寶愛重保持恭慎精禪從之與眾超絕卓然有異皆無有能及者佛言何為二十四願第一願使某作佛時令我國中無有泥犁禽獸薜荔蜎飛蠕動之類得是願乃作佛不得是願終不作佛第二願使某作佛時令我國中無有婦人女人欲來生我國中者即作男子諸無央數天人及蜎飛蠕動之類來生我國者皆於七寶水池蓮華中化生長大皆作菩薩阿羅漢都無央數得是願乃作佛不得是願終不作佛第三願使某作佛時令我國土自然七寶廣縱甚大曠蕩無^⑫極自軟好所居舍宅被服飲食都皆自然^⑬皆如第六天王所居處得

①爾耳 ②如知 ③已來以來 ④者耆 ⑤遣遮 ⑥屍尸 ⑦滑禿 ⑧拔載 ⑨却+(住) ⑩泥泥 ⑪樓夷 ⑫結經 ⑬從行 ⑭何+(等) ⑮極+(極) ⑯皆比

是願乃作佛。不得是願終不作佛。

第四願使某作佛時。令我名字皆聞八方上下無央數佛國。皆令諸佛各於比丘僧大坐中。說我功德國土之善。諸天人民。蝸飛蠕動之類。聞我名字。莫不慈心歡喜踊躍者。皆令來生我國。得是願乃作佛。不得是願終不作佛。

第五願使某作佛時。令八方上下諸無央數天人民及蝸飛蠕動之類。若前世作惡。聞我名字欲來生我國者。即便反政自悔過。為道作善。便持經戒。願欲生我國。不斷絕。壽終皆令不復泥。犁禽獸。薜荔。即生我國。在心所願得是願乃作佛。不得是願終不作佛。

第六願使某作佛時。令八方上下無央數佛國。諸天人民若善男子善女人欲來生我國。用我故益作善。若分檀布施。燒香。散花。然燈。懸雜繒綵。飯食。沙門。起塔。作寺。斷。愛欲。來生我國。作菩薩。得是願乃作佛。不得是願終不作佛。

第七願使某作佛時。令八方上下無央數佛國。諸天人民若善男子善女人。有作菩薩。道奉行六波羅蜜。經。若作沙門。不毀經戒。斷愛欲。齋戒清淨。一心念欲生我國。晝夜不斷絕。若其人壽欲終時。我即與諸菩薩。阿羅漢。共飛行迎之。即來生我國。則作阿惟越致。菩薩。智慧勇猛。得是願乃作佛。不得是願終不作佛。

第八願使某作佛時。令我國中諸菩薩。欲到他方佛國。生。皆令不更泥。犁禽獸。薜荔。皆令得佛道。得是願乃作佛。不得是願終不作佛。

第九願使某作佛時。令我國中諸菩薩。阿羅

漢。面目皆端正。淨潔。姝好。悉同一色。都一種。類。皆如第六天人。得是願乃作佛。不得是願終不作佛。

第十願使某作佛時。令我國中諸菩薩。阿羅漢。皆同一心所念。所欲言者。豫相知意。得是願乃作佛。不得是願終不作佛。

第十一願使某作佛時。令我國中諸菩薩。阿羅漢。皆無有淫泆之心。終無念婦女意。終無有瞋怒愚癡者。得是願乃作佛。不得是願終不作佛。

第十二願使某作佛時。令我國中諸菩薩。阿羅漢。皆令心相敬愛。終無相嫉憎者。得是願乃作佛。不得是願終不作佛。

第十三願使某作佛時。令我國中諸菩薩。欲共供養八方上下無央數諸佛。皆令飛行即到。欲得自然萬種之物。即皆在前。持用供養諸佛。悉皆遍已。後日未中時。即飛行還我國。得是願乃作佛。不得是願終不作佛。

第十四願使某作佛時。令我國中諸菩薩。阿羅漢。欲飯時。即皆自然七寶鉢中。有自然百味飯食。在前。食已自然去。得是願乃作佛。不得是願終不作佛。

第十五願使某作佛時。令我國中諸菩薩。身皆紫磨金色。三十二相八十種好。皆令如佛。得是願乃作佛。不得是願終不作佛。

第十六願使某作佛時。令我國中諸菩薩。阿羅漢。語者。如三百鍾聲。說經行道。皆如佛。得是願乃作佛。不得是願終不作佛。

第十七願使某作佛時。令我洞視徹聽。飛行十倍勝於諸佛。得是願乃作佛。不得是願終不作佛。

第十八願使某作佛時。令我智慧說

經行道十倍。於諸佛。得是願乃作佛。不得是願終不作佛。

第十九願使某作佛時。令八方上下無央數佛國。諸天人民。蝸飛蠕動之類。皆令人道。悉作辟支佛。阿羅漢。皆坐禪一心。共欲計數。知我年壽幾千億萬劫。皆令無有能極知壽者。得是願乃作佛。不得是願終不作佛。

第二十願者。使某作佛時。令八方上下各千億佛國中。諸天人民。蝸飛蠕動之類。皆令作辟支佛。阿羅漢。皆坐禪一心。共欲計數我國中諸菩薩。阿羅漢。知有幾千億萬人。皆令無有能知數者。得是願乃作佛。不得是願終不作佛。

第二十一願使某作佛時。令我國中諸菩薩。阿羅漢。壽命無央數劫。得是願乃作佛。不得是願終不作佛。

第二十二願使某作佛時。令我國中諸菩薩。阿羅漢。皆智慧勇猛。自知前世億萬劫時。宿命所作善惡。却知無極。皆洞視。徹知十方去來現在之事。得是願乃作佛。不得是願終不作佛。

第二十三願使某作佛時。令我國中諸菩薩。阿羅漢。皆智慧勇猛。頂中皆有光明。得是願乃作佛。不得是願終不作佛。

第二十四願使某作佛時。令我頂中光明。絕好。勝於日月之明。百千萬倍。絕勝諸佛。光明。焰照諸無央數天下幽冥之處。皆當大明。諸天人民。蝸飛蠕動之類。見我光明。莫不慈心作善者。皆令來生我國。得是願乃作佛。不得是願終不作佛。

佛告阿難。阿彌陀為菩薩時。常奉行是二十

①反政-返正 ②犁-黎 ③愛欲+齋戒清淨一心念我晝夜一日不斷絕皆令 ④生+(者) ⑤豫-預 ⑥淫-姪 ⑦鍾-鐘 ⑧(勝)+於 ⑨徹+(聽)

國土名須摩題。正在西方。去是閻浮提地界。千億萬須彌山佛國。其國地皆自然七寶。其一寶者白銀。二寶者黃金。三寶者水精。四寶者琉璃。五寶者珊瑚。六寶者琥珀。七寶者車渠。是為七寶。皆以自共為地。曠蕩甚大。無極。皆自相參。轉相入中。各自焜煌。參明。極自軟好。甚殊無比。其七寶地。諸八方上下。眾寶中。精味自然。合會。其化生耳。其寶皆比第六天上之七寶也。其國中無有須彌山。其日月星辰。第一四天王。第二忉利天。皆在虛空中。其國土無有大海。亦無有小海水。亦無江河恒水也。亦無有山林溪谷。無有幽冥之處。其國七寶地皆平正。無有泥犁禽獸。薜荔。蝸。飛。蠕。動之類。無有阿須。倫。諸。龍。鬼。神。終。無。天。雨。時。亦。無。有。春。夏。秋。冬。亦。無。大。寒。亦。無。大。熱。常。和。調。中。適。甚。快。善。無。比。皆。有。自。然。萬。種。之。物。百。味。飯。食。意。欲。有。所。得。即。自。然。在。前。所。不。用。者。即。自。然。去。比。如。第。六。天。上。自。然。之。物。恣。若。自。然。即。皆。隨。意。其。國。中。悉。諸。菩。薩。阿。羅。漢。無。有。婦。女。壽。命。無。央。數。劫。女。人。往。生。即。化。作。男。子。但。有。諸。菩。薩。阿。羅。漢。無。央。數。悉。皆。洞。視。徹。聽。悉。遙。相。見。遙。相。瞻。望。遙。相。聞。語。聲。悉。皆。求。道。善。者。同。一。種。類。無。有。異。人。其。諸。菩。薩。阿。羅。漢。面。目。皆。端。正。淨。潔。絕。好。悉。同。一。色。無。有。偏。醜。惡。者。也。諸。菩。薩。阿。羅。漢。皆。才。猛。點。慧。皆。衣。自。然。之。衣。心。中。所。念。道。德。其。欲。語。言。皆。豫。相。知。意。所。念。言。常。說。正。事。所。語。輒。說。經。道。不。說。他。餘。之。惡。其。語。言。音。響。如。三。百。鍾。聲。皆。相。敬。愛。無。相。嫉。憎。者。皆。以。長。幼。上。下。先。後。言。之。

以義如禮。轉相敬事。如兄如弟。以仁履義。不妄動作。言語如誠。轉相教令。不相違戾。轉相承受。皆心淨潔。無所貪慕。終無瞋怒。淫泆之心。愚癡之態。無有邪心。念婦女意。悉皆智慧。勇猛和心。歡樂好喜。經道自知。前世所從來。生億萬劫時。宿命善惡存亡。現在却知。無極。阿彌陀佛。所可教授。講堂精舍。皆復自然。七寶。金。銀。水。精。琉。璃。白。玉。虎。珀。車。渠。自。共。相。成。甚。殊。明。好。絕。無。比。亦。無。作。者。不。知。所。從。來。亦。無。持。來。者。亦。無。所。從。去。阿。彌。陀。佛。所。願。德。重。其。人。作。善。故。論。經。語。義。說。經。行。道。講。會。其。中。自。然。化。生。爾。其。講。堂。精。舍。皆。復。有。七。寶。樓。觀。欄。楯。復。以。金。銀。水。精。琉。璃。白。玉。虎。珀。車。渠。為。瓔。珞。復。以。白。珠。明。月。珠。摩。尼。珠。為。交。露。覆。蓋。其。上。皆。自。作。五。音。聲。甚。好。無。比。諸。菩。薩。阿。羅。漢。所。居。舍。宅。皆。復。以。七。寶。金。銀。水。精。琉。璃。珊。瑚。虎。珀。車。渠。碼。碯。化。生。轉。共。相。成。其。舍。宅。悉。各。有。七。寶。樓。觀。欄。楯。復。以。金。銀。水。精。琉。璃。白。玉。虎。珀。車。渠。為。瓔。珞。復。以。白。珠。明。月。珠。摩。尼。珠。為。交。露。覆。蓋。其。上。皆。各。復。自。作。五。音。聲。阿。彌。陀。佛。講。堂。精。舍。及。諸。菩。薩。阿。羅。漢。所。居。舍。宅。中。內。外。處。處。皆。復。有。自。然。流。泉。浴。池。皆。與。自。然。七。寶。俱。生。金。銀。水。精。琉。璃。虎。珀。車。渠。轉。共。相。成。淳。金。池。者。其。水。底。沙。白。銀。也。淳。白。銀。池。者。其。水。底。沙。黃。金。也。淳。水。精。池。者。其。水。底。沙。琉。璃。也。淳。琉。璃。池。者。其。水。底。沙。水。精。也。淳。珊。瑚。池。者。其。水。底。沙。虎。珀。也。淳。虎。珀。池。者。其。水。底。沙。珊。瑚。也。淳。車。渠。池。者。其。水。底。沙。馬。瑙。也。淳。馬。瑙。池。者。其。水。底。沙。車。渠。也。

淳白玉池者。其水底沙紫磨金也。淳紫磨金池者。其水底沙白玉也。中復有兩寶共作一池者。其水底沙金銀也。中復有三寶共作一池者。其水底沙金銀水精也。中復有四寶共作一池者。其水底沙金銀水精琉璃也。中有五寶共作一池者。其水底沙金銀水精琉璃珊瑚也。中有六寶共作一池者。其水底沙金銀水精琉璃珊瑚虎珀也。中有七寶共作一池者。其水底沙金銀水精琉璃珊瑚虎珀車渠也。中有浴池長四十里者。有長八十里者。有長百六十里者。有長二百二十里者。有長六百四十里者。有長千二百八十里者。有長二千五百六十里者。有長五千一百二十里者。有長萬二千四百里者。有長二萬四千里者。其池縱廣適等。是池者皆諸菩薩阿羅漢常所可浴池。佛言。彌陀佛浴池長四萬八千里。廣亦四萬八千里。其池皆以七寶轉共相成。其水底沙白珠明月珠摩尼珠也。阿彌陀佛及諸菩薩阿羅漢浴池中水皆清。香。潔。池。中。皆。有。香。華。悉。自。然。生。百。種。華。種。異。色。色。異。香。華。枝。皆。千。葉。甚。香。無。比。也。香。不。可。言。其。華。者。亦。非。世。間。之。華。復。非。天。上。之。華。此。華。香。都。八。方。上。下。眾。華。香。中。精。也。自。然。化。生。耳。其。池。中。水。流。行。轉。相。灌。注。其。水。流。行。亦。不。遲。不。缺。皆。復。作。五。音。聲。佛。言。八。方。上。下。無。央。數。佛。國。諸。天。人。民。及。蝸。飛。蠕。動。之。類。諸。生。阿。彌。陀。佛。國。者。皆。於。七。寶。水。池。蓮。華。中。化。生。便。自。然。長。大。亦。無。乳。養。之。者。皆。食。自。然。之。飲。食。其。身。體。亦。非。世。間。人。之。身。體。亦。非。

①倫·輪 ②(終)+不 ③誠·誠 ④無+(有) ⑤淫·泆·姪·姪 ⑥歡·樂·好·喜·歡·喜·好·樂 ⑦講·論 ⑧(阿)+彌·陀·佛 ⑨清+(淨) ⑩葉·華 ⑪駛·駛

天上人之身體皆積眾善之德悉受自然虛無之身無極之體甚姝好無比佛語阿難如世間貧窮乞丐人令在帝王邊住者其面目形狀寧類帝王面目形類顏色不阿難言假使子在帝王邊住者其面目形狀甚醜惡不好不如帝王百千億萬倍也所以者何乞人貧窮困極飲食常惡末常有美食時既惡食不能得飽食食纔支命骨節相撐拄無以自給常乏無有儲飢餓寒凍怔忡愁苦但坐前世為人愚癡無智慳貪不肯慈哀為善博愛施與但欲唐得貪惜飲食獨食嗜美不信施貸後得報償復不信作善後世當得其福蒙慳抵佞益作眾惡如是壽終財物盡素素無恩德無所恃怙入惡道中坐之適苦然後得出解脫今生為人作於下賤為貧家作子強像人形狀類甚醜衣被弊壞單空獨立不蔽形體乞丐生耳飢寒困苦面目羸劣不類人色坐其前世身之所受其殃罰示眾見之莫誰哀者棄捐市道曝露消瘦黑醜惡極不及人耳所以帝王人中獨尊最好者何皆其前世為人時作善信受經道布施德博愛順義慈仁意與不貪飲食與眾共之無所置惜都無違爭得其善福壽終德隨不更惡道今生為人得生王家自然尊貴獨王典主攬制人民為其雄傑面目潔白和顏好色身體端正眾共敬事美食好衣隨心恣意若樂所欲自然在前都無違爭於人中姝好無憂快樂面目光澤故乃爾耳佛告阿難若言是也帝王雖於人中好無

比者當令在遮迦越王邊住者其面形類甚醜惡不好比如乞人在帝王邊住耳其帝王面目尚復不如遮迦越王面色姝好百千億萬倍如遮迦越王於天下絕好無比當令在第二天王邊住者其面甚醜不好尚復不如帝釋面類端正姝好百千億萬倍如天帝釋令在第六天王邊住者其面類甚醜不好尚復不如第六天王面類端正姝好百千億萬倍如第六天王令在阿彌陀佛國中諸菩薩阿羅漢邊住者其面甚醜尚復不如阿彌陀佛國中菩薩阿羅漢面類端正姝好百千億萬倍佛言阿彌陀佛國諸菩薩阿羅漢面類悉皆端正絕好無比次於泥洹之道阿彌陀佛及諸菩薩阿羅漢講堂精舍所居處舍宅中內外浴池上皆有七寶樹中有淳金樹淳銀樹淳水精樹淳琉璃樹淳白玉樹淳珊瑚樹淳琥珀樹淳車渠樹種種各自異行中有兩寶共作一樹者銀樹銀根金莖銀枝金葉銀華金實金樹者金根銀莖金枝銀葉金華銀實水精樹者水精根琉璃莖水精枝琉璃葉水精華琉璃實琉璃樹者琉璃根水精莖金枝銀葉水精華琉璃實是四寶樹轉共相成各自異行中復有五寶共作一樹者銀根金莖水精枝琉璃葉銀華金實金樹者金根銀莖水精枝琉璃葉珊瑚華銀實水精樹者水精根琉璃莖珊瑚

瑚枝銀葉金華琉璃實琉璃樹者琉璃根珊瑚莖水精枝金葉銀華珊瑚實珊瑚樹者珊瑚根琉璃莖水精枝金葉銀華琉璃實是五寶共作一樹各自異行中有六寶共作一樹者銀樹銀根金莖水精枝琉璃葉珊瑚華虎珀實金樹者金根銀莖水精枝琉璃葉虎珀華珊瑚實水精樹者水精根琉璃莖珊瑚枝虎珀葉銀華金實琉璃樹者琉璃根珊瑚莖虎珀枝水精葉金華銀實是六寶樹轉共相成各自異行中復有七寶共作一樹者銀樹銀根金莖水精枝琉璃葉珊瑚華虎珀實金樹者金根水精莖琉璃枝珊瑚葉虎珀華銀實水精樹者水精根琉璃莖珊瑚枝虎珀葉車渠華白玉實珊瑚樹者珊瑚根虎珀莖白玉枝琉璃葉車渠華明月珠實虎珀樹者虎珀根白玉莖珊瑚枝琉璃葉水精華金實白玉樹者白玉根車渠莖珊瑚枝虎珀葉金華摩尼殊實是七寶樹轉共相成種種各自異行行相值莖莖自相准枝枝自相值葉葉自相向華華自相望實實自相當佛言阿彌陀佛當講堂精舍中內外七寶浴池繞邊上諸七寶樹及諸菩薩阿羅漢七寶舍宅中內外七寶浴池繞池邊諸七寶樹數千百重行皆各如是各自作五音聲音聲甚好無比也佛告阿難如世間帝王有百種伎樂音聲不如遮迦越王諸伎樂音聲好百千億萬倍如遮迦越王萬種伎樂音聲尚復不如第二切利天上諸伎樂一音聲百千億萬倍如切利天上萬種伎樂之聲尚復不如第六天

①積+(聚) ②類-狀 ③(王)- ④常-嘗 ⑤撐-撐 ⑥怔-忡 ⑦慳-慳 ⑧誰-垂 ⑨置-遺 ⑩爭-諍 ⑪(億)- ⑫(天)- ⑬者+(銀樹) ⑭(復)+有 ⑮(行)+行 ⑯(也)-

上一音聲好百千億萬倍。如第六天上萬種音樂之聲尚復不如阿彌陀佛國中七寶樹一音聲好百千億萬倍。阿彌陀佛國中亦有萬種自然伎樂甚樂無極。阿彌陀佛及諸菩薩阿羅漢欲浴時便各自可入其七寶池中浴。諸菩薩阿羅漢意欲令水沒足水即沒足意欲令水至膝水即至膝意欲令水至腰水即至腰意欲令水至腋水即至腋意欲令水至頸水即至頸意欲令水自灌身上水即自灌身上意欲令水還復如故水即還復如故恣若隨意所欲好喜佛言阿彌陀及諸菩薩阿羅漢皆浴已悉自於一大蓮華上坐即四方自然亂風起其亂風者亦非世間之風亦非天上之風都八方上下眾風中精自然合會化生耳不寒不熱常和調中適甚清涼好無比也徐起不遲不駛適得中宜吹七寶樹皆作五音聲以七寶樹華悉覆其國中皆散佛及諸菩薩阿羅漢上華隨墮地皆厚四寸極自軟好無比即自然亂風吹萎華悉自然去即復四方自然亂風吹七寶樹皆復作五音聲樹華皆自然散佛及諸菩薩阿羅漢上華小萎墮地即自然去即復四方亂風起吹七寶樹如是四反諸菩薩阿羅漢中有但欲聞經者中有但欲聞音樂者中有但欲聞華香者有不欲聞經者有不欲聞音樂聲者有不欲聞華香者其所欲聞者輒即獨聞之不欲聞者則獨不聞隨意所欲喜樂不違其願也浴訖各自去行道中有在地講經者誦經者說經者口受經者聽經者念經者思

道者坐禪者經行者中有在虛空中講經者誦經者說經者口受經者聽經者念經者思道者坐禪一心者經行者未得須陀洹道者即得須陀洹道未得斯陀含道者即得斯陀含道未得阿那含道者即得阿那含道未得阿羅漢道者即得阿羅漢道未得阿惟越致菩薩者即得阿惟越致各自說經行道悉皆得道莫不歡喜踊躍者也諸菩薩中有意欲供養八方上下無央數諸佛即皆俱前為佛作禮白佛辭行供養八方上下無央數佛佛即然可之即使行諸菩薩皆大歡喜數千億萬人無央數不可復計皆當智慧勇猛各自幡輩飛相追俱共散飛則到八方上下無央數諸佛所皆前為諸佛作禮即便供養意欲得萬種自然之物在前即自然百種雜色華百種雜繒綵百種劫波衣七寶燈火萬種伎樂悉皆在前其華香萬種自然之物亦非世間之物亦非天上之物也是萬種物都八方上下眾自然合會化生耳意欲得者即自然化生意不用者即化去諸菩薩便共持供養諸佛及諸菩薩阿羅漢邊傍前後迴遠周匝在意所欲即輒皆至當是之時快樂不可言也諸菩薩意各欲得四十里華即自然在前便於虛空中共持散諸佛及菩薩阿羅漢上皆在虛空中下向華甚香好小萎墮地即自然亂風吹萎華悉自然去諸菩薩意各復欲得八十里華即自然在前共持散諸佛及諸菩薩阿羅漢上華皆復在虛空中下向小萎墮地即自然亂風吹萎華悉自然去諸

菩薩意各復欲得百六十里華即自然在前便於虛空中共持散諸佛及諸菩薩阿羅漢上華皆復於虛空中下向小萎墮地即自然亂風吹萎華悉自然去諸菩薩意各復欲得三百二十里華即自然在前復於虛空中持散諸佛及諸菩薩阿羅漢上華於虛空中下向小萎墮地即自然亂風吹萎華悉自然去諸菩薩意各復欲得六百四十里華即自然在前復以散諸佛及諸菩薩阿羅漢上皆在虛空中下向小萎墮地亂風自然吹萎華去諸菩薩意各復欲得千二百八十里華即自然在前復於虛空中共持散諸佛及諸菩薩阿羅漢上皆在虛空中下向小萎墮地亂風吹萎華悉自然去諸菩薩意各復欲得二千五百六十里華即自然在前復於虛空中共持散諸佛及諸菩薩阿羅漢上皆在虛空中下向小萎墮地亂風吹萎華悉自然去諸菩薩意各復欲得五千一百二十里華即自然在前復於虛空中共持散諸佛及諸菩薩阿羅漢上皆在虛空中下向小萎墮地亂風吹萎華悉自然去諸菩薩意各復欲得萬二千四百八十里華即自然在前復於虛空中共持散諸佛及諸菩薩阿羅漢上皆在虛空中下向小萎墮地亂風吹萎華悉自然去諸菩薩意各復欲得五萬里華即自然在前復於虛空中共持散諸佛及諸菩薩阿羅漢上皆

在虛空中下向。小萎墮地。亂風吹萎華。悉自然去。諸菩薩意各復欲得十萬里華。即皆在前。諸菩薩復於虛空中共持散諸佛。及諸菩薩阿羅漢上。皆在虛空中下向。小萎墮地。亂風吹萎華。悉自然去。諸菩薩意各復欲得二十萬里華。即皆在前。復於虛空中共持散諸佛。及諸菩薩阿羅漢上。小萎墮地。亂風吹萎華。悉自然去。諸菩薩意各復欲得四十萬里華。即皆在前。復於虛空中共持散諸佛。及諸菩薩阿羅漢上。皆在虛空中下向。小萎墮地。亂風吹萎華。悉自然去。諸菩薩意各復欲得八十萬里華。即皆在前。復於虛空中共持散諸佛。及諸菩薩阿羅漢上。皆在虛空中下向。小萎墮地。亂風吹萎華。悉自然去。諸菩薩意各欲得百六十萬里華。即皆在前。共持散諸佛。及諸菩薩阿羅漢上。小萎墮地。亂風吹萎華。悉自然去。諸菩薩意各欲得三百萬里華。即皆在前。共持散諸佛。及諸菩薩阿羅漢上。小萎墮地。亂風吹萎華。即皆在前。共持散諸佛。及諸菩薩阿羅漢上。華都自然合為一華。華正端圓。周匝各適等。華轉倍前。華極自軟好。勝於前華。數千百倍。色色異。香香不可言。諸菩薩皆大歡喜。俱於虛空中大共作眾音。自然伎樂。樂諸佛。及諸菩薩阿羅漢。當此之時。快樂不可言。諸菩薩皆悉却坐聽經。聽經竟。即悉誦通利。知經道益明智慧。即諸佛國中。從第一四天上。至三十三天上。諸天人皆共持天上萬種自然之物。來下供養諸

菩薩阿羅漢。天人皆復於虛空中大共作眾音伎樂。諸天人前來者。轉去避後來者。後來者轉復供養如前。更相開避。諸天人歡喜聽經。大共作音樂。當是時。快樂無極。諸菩薩供養聽經。訖竟。便皆起為佛作禮而去。即復飛到八方上下。無央數諸佛所。供養聽經。皆各如前。悉遍已後。日未中時。各飛還其國。為阿彌陀佛作禮。皆却坐聽經。竟大歡喜。佛言。阿彌陀佛及諸菩薩阿羅漢欲食時。即自然七寶。劫波育鬘。疊以為座。佛及菩薩皆坐前。悉有自然七寶鉢。中有百味飲食。飲食者亦不類世間。亦非天上。此百味飲食。八方上下眾自然飲食。中精味甚香美無比。自然化生耳。欲得甜酢。在所飲得。諸菩薩阿羅漢中有欲得金鉢者。有欲得銀鉢者。有欲得水精鉢者。有欲得珊瑚鉢者。有欲得琥珀鉢者。有欲得白玉鉢者。有欲得車渠鉢者。有欲得馬瑙鉢者。有欲得明月珠鉢者。有欲得摩尼珠鉢者。有欲得紫磨金鉢者。隨意即至。亦無所從來。亦無供養者。自然化生耳。諸菩薩阿羅漢皆食。食亦不多。亦不少。悉平等。亦不言美惡。亦不以美故喜。食訖諸飯具。鉢机座。皆自然化去。欲食時。乃復化生耳。諸菩薩阿羅漢皆心淨潔。所飲食。但用作氣力爾。皆自然消散。摩盡化去。

佛告阿難。阿彌陀佛為諸菩薩阿羅漢說經時。都悉大會講堂上。諸菩薩阿羅漢及諸天人。無央數。都不可復計。皆飛到阿彌陀佛所。為佛作禮。却坐聽經。其佛廣說道智大經。皆悉聞知。莫不歡喜踊躍。心開解者。即四方自然亂風起。吹七寶樹。皆作五音聲。七寶樹華。覆蓋其國。皆在虛空中下向。其華之香。遍一國中。皆散阿彌陀佛。及諸菩薩阿羅漢上。華墮地。皆厚四寸。小萎。即亂風吹萎華。自然去。四方亂風吹七寶樹華。如是四反。即第一四天王第二忉利天上。至三十二天上。諸天人皆持天上萬種自然之物。百種雜色華。百種雜香。百種雜繒綵。百種劫波育鬘衣。萬種伎樂。轉倍好相勝。各持來下。為阿彌陀佛作禮。供養佛。及諸菩薩阿羅漢。諸天人皆復大作伎樂。樂阿彌陀佛。及諸菩薩阿羅漢。當是時。快樂不可言。諸天更相開避。後來者轉復供養如前。即東方無央數佛國。其數不可復計。如恒水邊流沙。一沙一佛。其數如是。諸佛各遣諸菩薩無央數。不可復計。皆飛到阿彌陀佛所。作禮聽經。皆大歡喜。悉起為作禮而去。西方北方南方四角諸佛。其數各如恒水邊流沙。各遣諸菩薩無央數。飛到阿彌陀佛所。作禮聽經。亦復如是。即下方上方諸佛。其數各如恒水邊流沙。皆遣諸菩薩。都不可復計。飛到阿彌陀佛所。作禮聽經。更相開避。如是。終無休絕時也。佛言。所以諸佛以恒水邊流沙為數者。八方上下無央數佛。甚大眾多。都各不可復計。故以恒水邊流沙為數耳。

①(悉)自②(華)③重利④机⑤疊鬘⑥鉢(鉢)⑦酢醋⑧(皆)⑨摩靡⑩二三⑪如而⑫北比⑬可復復

漢者即得阿羅漢。未得阿惟越致菩薩者。即得阿惟越致菩薩。阿彌陀佛輒隨其宿命時。求道心所意願。大小隨意為說。經授與之。即令疾開解得。皆悉明慧。各自好喜。所願經道。莫不喜樂誦習之者。自諷誦通利無厭。無極諸菩薩。阿羅漢中。有誦經者。其音如三百鐘聲。中有說經者。如疾風暴雨。時如是。盡一劫竟。終無懈倦時。皆悉智慧勇猛。身體輕便。終無痛癢極時。行步坐起。悉皆才健勇猛。如師子中王。在深山中。有所趣向。時無有敢當者。無有疑難之意。在心所作。為不可豫計。百千億萬倍。是猛師子中王。百千億萬倍。尚復不如。我第二弟子摩訶目犍連。勇猛百千億萬倍。如摩訶目犍連。於諸國菩薩。阿羅漢中。最為無比。飛行進止。智慧勇猛。洞視徹聽。知八方上下。來現在之事。百千億萬倍。共合為一智慧。當令在阿彌陀佛國中。諸羅漢邊。其德尚復不及百千億萬倍。阿逸菩薩。即起前長跪。叉手問佛言。阿彌陀佛國中。諸阿羅漢。寧頗有般泥洹去者。無願欲聞之。佛言。若欲知者。如是。四天下星。若見之。不阿逸菩薩言。唯然見之。佛言。如我第二弟子摩訶目犍連。飛上天上一晝一夜。遍數知星有幾枚。此四天下星。甚眾多。不可得計。尚復百千億萬倍。是星也。如天下大海水。減去一滌。寧能令海水為減。知少不耶。對曰。減去百千億萬斗石。尚不能令減知少也。佛言。阿彌陀佛國。諸阿羅漢中。雖有般泥洹去者。如大海減一滌水爾。不能令在諸阿羅漢為減知少也。佛言。

大海減去一溪水。寧令減少不。對曰。減去百千億萬溪水。尚不能減知少也。佛言。減大海一恒水。寧能令減知少不。對曰。減去百千億萬恒水。不能令減知少也。佛言。阿彌陀佛國。諸阿羅漢。般泥洹去者。無央數。其在者。新得道者。亦無央數。都不為增減也。佛言。今天下諸水。都流入大海水中。寧能令海水增多不。對曰。不能令增多也。所以者何。是大海為天下諸水。眾善中王。故能爾耳。佛言。阿彌陀佛國。亦如是。悉令八方上下。無央數佛國。諸無央數天人。人民。蜎蠕動之類。都往生甚大。眾多不可復計。阿彌陀佛國。諸菩薩。阿羅漢。眾比丘僧。故如常一法。不異為增多。所以者何。阿彌陀佛國。為最快。八方上下。無央數諸佛國中。眾善之王。諸佛國中。之雄。諸佛國中。之寶。諸佛國中。壽之極長久也。諸佛國中之眾。傑也。諸佛國中之廣大也。諸佛國中之都。自然之無為。最快。明好。甚樂之無極。所以者何。阿彌陀佛本為菩薩時。所願勇猛。精進不懈。累德所致。故能爾耳。阿逸菩薩。即大歡喜。長跪叉手言。佛說阿彌陀佛國。土快善。明好。最殊無比。乃獨爾乎。佛言。阿彌陀佛國。諸菩薩。阿羅漢。所居七寶舍宅。中有在虛空中者。有在地者。中有欲令舍宅最高者。舍宅即高。中有欲令舍宅最大者。舍宅即大。中有欲令舍宅在虛空中者。舍宅即在虛空中。皆自然隨意。在所作為。中有殊不能令舍宅隨意者。所以者何。中有能令舍宅隨意者。皆是前世宿命求道時。慈心精進。益作諸善。德重所致。

中有殊不能者。皆是前世宿命求道時。不慈心精進。益作諸善。德薄所致。其所衣被。飯食。俱自然平等。德有大小。別知其勇猛。令眾見之耳。佛言。若見第六天王所居處。不唯然見之。佛言。阿彌陀佛國。講堂舍宅。都復勝第六天王所居處。百千億萬倍。諸菩薩。阿羅漢。悉皆洞視徹聽。見知八方上下。來現在之事。復無數。天上。天下。人民。及蜎蠕動之類。心意所念。善惡。口所欲言。皆知當何歲。何劫。得度。脫得人道。往生阿彌陀佛國。知當作菩薩。阿羅漢。皆豫知之。諸菩薩。阿羅漢。頂中。皆悉自有光明。所照有大小。諸菩薩。中有最尊。兩菩薩。常在佛左右。坐侍正論。佛常與是兩菩薩。共對坐。議八方上下。來現在之事。若欲使是兩菩薩。到八方上下。來現在之事。若欲便飛行。隨心所欲。至到。飛行。使疾如佛勇猛無比。其一菩薩名。蓋樓。其二菩薩名。摩訶那鉢。光明智慧。最第一。頂中。光明。各照他方。千須彌山。佛國中。常大明。其諸菩薩。頂中。光明。各照千億萬里。諸阿羅漢。頂中。光明。各照七丈。佛言。世間。人民。若善。男子。善女人。若有急。恐怖。縣官。事者。但自歸命。是蓋樓。巨菩薩。摩訶那鉢。菩薩。所無不得解脫者。佛告阿逸菩薩。阿彌陀佛。頂中。光明。極大。光明。其日月星辰。皆在虛空中。住止。不可復迴轉。運行。亦無有精光。其明。皆蔽。不復見。佛光明。照國中。及焰。照他方。佛國。常大明。終無有冥時。其國。無有一日。二日。亦為五日。十日。亦無十五日。一月。亦無五月。十月。五歲。十歲。

亦無百歲千歲亦無萬歲億萬歲無百千億萬歲無有一劫十劫百劫千劫無萬劫百萬劫無千萬劫百億萬劫阿彌陀佛光明明無有極^①却後無數劫無數劫重復無數劫無數劫無央數終無有當冥時國土及諸天終無壞敗時所以者何阿彌陀佛壽命極長國土甚好故能爾耳其佛尊壽却後無數劫重復無數劫尚未^②央般泥洹也於世間教授意欲過度八方上下諸無央數佛國諸天人及蜎飛蠕動之類皆欲使往生其國悉令得泥洹之道其作菩薩者皆欲令悉作佛作佛已轉復教授八方上下諸天人及蜎飛蠕動之類皆復欲令作佛作佛已復教授諸無央數天人人民蜎飛蠕動之類皆令得泥洹道去諸可教授弟子者展轉復相教授轉相度脫至令得須陀洹斯陀含阿那含阿羅漢辟支佛道轉相度脫皆得泥洹之道悉如是尚未欲般泥洹阿彌陀佛所度脫展轉如是復住止無數劫無數劫不可復計劫終無般泥洹時八方上下諸無央數天人人民蜎飛蠕動之類其生阿彌陀佛國當作佛者不可復勝數諸作阿羅漢得泥洹道者亦無央數都不可復計阿彌陀佛恩德諸所布施八方上下無窮無極甚深無量快善不可言其智慧教授所出經道布告八方上下諸無央數天上天下甚不原也其經卷數甚眾多不可復計都無有極佛告阿逸菩薩若欲知阿彌陀佛壽命無極時不對曰願皆欲聞知之佛言明聽悉令八方上下諸無央數佛國中諸天

人民蜎飛蠕動之類皆使得^③人道悉令作辟支佛阿羅漢共坐禪一心都合其智慧為一勇猛共欲計知阿彌陀佛壽命幾千億萬劫歲數皆無有能計知者復令他方面各千須彌山佛國中諸天人人民蜎飛蠕動之類皆復使得入道悉令作辟支佛阿羅漢皆令坐禪一心合其智慧為一勇猛共欲數阿彌陀佛國中諸菩薩阿羅漢知有幾千億萬人皆無有能知數者阿彌陀年壽甚長久^④浩浩^⑤照照明善甚深無極無底^⑥誰當能信其者獨佛自信知爾阿逸菩薩聞佛言大歡喜長跪叉手言佛說阿彌陀佛壽命甚長威神尊大智慧光明巍巍快善乃獨如是佛言阿彌陀佛至其然後般泥洹者其蓋樓亘菩薩便當作佛總領道智典主教授世間及八方上下所過度諸天人人民蜎飛蠕動之類皆令得佛泥洹之道其善福德當復如大師阿彌陀佛住止無央數劫無央數劫不可復計劫^⑦准法大師爾乃般泥洹其次摩訶那鉢菩薩當復作佛典主智慧總領教授所過度福德當復如大師阿彌陀佛止住無央數劫尚復不般泥洹展轉相承受經道甚明國土極善其法如是終無有斷絕不可極也阿難長跪叉手問佛言阿彌陀佛國中無有須彌山其第一四天第二忉利天皆依因何等住止願欲聞之佛告阿難若有疑意於佛所耶八方上下無窮無極無邊無^⑧量諸天下大海水一人斗量之尚可枯盡得^⑨其底泥佛智^⑩不如是佛言我所見知諸已過去

佛如我名字釋迦文佛者復如恒水邊流沙一沙一佛諸當來佛如我名字亦如恒水邊流沙甫始欲求作佛者如我名字亦如恒水邊流沙佛正坐直南向視見南方今現在佛如我名字者復如恒水邊流沙八方上下去來現在諸佛如我名字者各^⑪如十恒水邊流沙一沙一佛其數如是佛皆悉豫見知之佛言往昔過去無數劫^⑫已來一劫十劫百劫千劫萬劫億劫億萬億劫中有佛諸已過去佛一佛十佛百佛千佛萬佛億佛億萬億佛^⑬各自有名字不同無有如我名字者甫始當來劫一劫十劫百劫千劫萬劫億劫億萬億劫劫中有佛一佛十佛百佛千佛萬佛億佛億萬億佛各自有名字不同時時乃有一佛如我名字耳諸八方上下無央數佛國今現在佛次他方^⑭異國一佛國十佛國百佛國千佛國萬佛國億佛國億萬億佛國中有佛各自有名字^⑮多多復不同無如我名字者八方上下無央數諸佛中時時乃有如我名字爾八方上下去來現在其中間曠絕甚遠悠悠迢迢無窮無極佛智巨然甚明探古知今前知無窮却覩未然豫知無極都不可復計甚無央數佛威神尊明皆悉知之佛智慧道德合明都無能問佛經道窮極者佛智慧終不可稱量盡也阿難聞佛言即大恐怖衣毛皆起白佛言我不敢有疑意於佛所以問佛者他方佛^⑯國皆有須彌山第一四天第二忉利天皆依因之住止我恐佛般泥洹後儻有諸天人人民若比丘僧比丘

①劫-劫 ②央-欲 ③入-入 ④陀-(佛) ⑤浩浩+(皓皓) ⑥照照-昭昭 ⑦誰當-無有 ⑧准-惟 ⑨量-幅 ⑩其-見 ⑪不-亦 ⑫如-知 ⑬已-以 ⑭劫-(劫) ⑮各+(各) ⑯異+(佛) ⑰多-甚 ⑱國+(中)

尼優婆塞優婆夷來問我阿彌陀佛國何以獨無有須彌山其第一四天王第二忉利天皆依因何等住止我當應答之今不問佛者佛去後當持何等語報答之獨佛自知之爾●餘人無有能為我解者以是故問佛耳佛言阿難是第三焰天第四兜術天上至第七梵天皆依因何等住止乎阿難言是諸天皆自然在虛空中住在虛空中住止無所依因佛威神甚重自然所欲作為意欲有所作為不豫計是諸天皆尚在虛空中住止何況佛威神尊重欲有所作為耶阿難聞佛言即大歡喜長跪叉手言佛智慧知八方上下去來現在之事無窮無極無有邊幅甚高大妙絕快善極明好甚無比威神尊重不可●當

●阿彌陀經卷上

佛說阿彌陀經卷下

吳月●支●國居士支謙譯

佛告阿逸菩薩其世間人民若善男子善女人願欲往生阿彌陀佛國者有三輩作德有大小轉不相及佛言何等為三輩最上第一輩者當去家捨妻子斷愛欲行作沙門就無為之道當作菩薩道奉行六波羅蜜經者作沙門不虧經戒慈心精進不當瞋怒不當與女人交通齋戒清淨心無所貪慕至誠願欲往生阿彌陀佛國常念至心不斷絕者其人便於今世求道時即自然於其臥止●夢中見阿彌陀佛及諸菩薩阿羅漢其人壽命欲

終時阿彌陀佛即自與諸菩薩阿羅漢共●翻飛行迎之則往生阿彌陀佛國便於七寶水池蓮華中化生即自然受身長大則作阿惟越致菩薩便即與諸菩薩共翻輩飛行供養八方上下諸無央數佛即逮智慧勇猛樂聽經道其心歡樂所居七寶舍宅在虛空中恣隨其意在所欲作為去阿彌陀佛近佛言諸欲往生阿彌陀佛國者當精進持經戒奉行如是上法者則得往生阿彌陀佛國可得為眾所尊敬是為上第一輩

佛言其中輩者其人願欲往生阿彌陀佛國雖不能去家捨妻子斷愛欲行作沙門者當持經戒無得虧失益作分檀布施常信受佛經語深當作至誠中信飯食諸沙門作佛寺起塔散華燒香然燈懸雜繒綵如是法者無所適莫不當瞋怒齋戒清淨慈心精進斷愛欲念欲往生阿彌陀佛國一日一夜不斷絕者其人便於今世亦復於臥止夢中見阿彌陀佛其人壽命欲終時阿彌陀佛即化令其人目自見阿彌陀佛及其國土往至阿彌陀佛國者可得智慧勇猛佛言其人奉行施與如是者若其人然後復中悔心中狐疑不信分檀布施作諸善後世得其福不信有彌陀佛國不信有往生其國雖爾者其人續念不絕暫信暫不信意志猶豫無所專據續其善願為本故得往生其人壽命病欲終時阿彌陀佛即自化作形像令其人目自見之口不能復言但心中歡喜踊躍意念言我悔不知益齋戒作善今當往生阿彌陀佛國其人即

心自悔過悔過者小差少無所復及其人●壽命終盡即往生阿彌陀佛國不能得前至阿彌陀佛所便道見阿彌陀佛國界邊自然七寶城中心便大歡喜便止其城中即於七寶水池蓮華中化生則受身自然長大在城中於是間五百歲其城廣縱各二千里城中亦有七寶舍宅中外內皆有七寶浴池浴池中亦有自然華香繞浴池上亦有七寶樹重行亦皆復作五音聲其欲●飯食時前有自然食具百味飲食在所欲得應意皆至其人於城中亦快樂其城中比如第二●忉利天上自然之物雖爾其人城中不能得出復不能得見阿彌陀佛但見其光明心自悔責踊躍喜耳亦復不能得聞經亦復不能得見諸比丘僧亦復不能得見知阿彌陀佛國中諸菩薩阿羅漢狀貌何等類其人愁苦如是比如小適耳佛亦不使爾身行所作自然得之皆心自趣向道入其城中其人本宿命求道時心口各異言念無誠信狐疑佛經復不信向之當自然入惡道中阿彌陀佛哀愍威神引之去●爾其人於城中五百歲乃得出往至阿彌陀佛所聞經心不開解亦復不得在諸菩薩阿羅漢比丘僧中聽經以去所居處舍宅在地不能令舍宅隨意高大在虛空中復去阿彌陀佛甚大遠不能得近附阿彌陀佛其人智慧不明知經復少心不歡喜意不開解其人久久亦自當智慧開解知經明健勇猛心當歡喜次當復如上第一輩所以者何其人但坐前世宿命求道時不大持齋戒

●(其)餘●●當+(也)●●(佛說)+阿●●支·氏●●(國居士)●●國居士·優婆塞●●●夢中·中夢●●翻+(輩)●●●壽命終盡·壽命終盡●●飯·飲●●●切·切●●爾·耳●

毀失經法。意志狐疑。不信佛語。不信佛經深。不信分檀布施作善。後世當得其福。復坐中悔。不信往生阿彌陀佛國。作^①德不至心。用是故爾。是為第二中輩。

佛言其三輩者。其人願欲往生阿彌陀佛國。若無所用分檀布施。亦不能燒香散華然燈。懸雜繒綵。作佛寺起塔。飯食諸沙門者。當斷愛欲。無所貪慕。得經疾慈心精進。不當瞋怒。齋戒清淨。如是法者。當一心念欲往生阿彌陀佛國。晝夜十日不斷絕者。壽命終即往生阿彌陀佛國。可得尊敬智慧勇猛。佛言。其人作是以後。若復中悔。心意狐疑。不信作善後世當得其福。不信往生阿彌陀佛國。其人雖爾。續得往生。其人壽命病欲終時。阿彌陀佛即令其人於臥止夢中。見阿彌陀佛。土心中大歡喜。意自念言。我悔不知益作諸善。今當往生阿彌陀佛國。其人但念是口不能復言。即自悔過。悔過者差減少。悔無所復及。其人命終。即生阿彌陀佛國。不能得前至。便道見二千里七寶城中。心獨歡喜。便止其中。亦復於七寶浴池蓮華中化生。即自然受身長大。其城亦復如前城法。比如第二忉利天上自然之物。其人亦復於城中五百歲竟。乃得出至阿彌陀佛所。心中大^②喜。其人聽聞經心不開解。意不歡樂。智慧不明。知經復少。所居舍宅在地。不能令舍宅隨意高大。在虛空中。復去阿彌陀佛大遠。不能得近。附阿彌陀佛。亦復如是。第二中輩狐疑者也。其人久久亦當智慧開解。知經勇猛。心當歡樂。次如上

第一輩也。所以者何。皆坐前世宿命求道時。中悔狐疑。暫信暫不信。不信作善。得其福德。皆自然得之。爾隨其功德有所鉉不鉉。各自然趣向。說經行道。百千億萬超絕不相及。佛言。其欲求作菩薩道。生阿彌陀佛國者。其人然後皆當得阿惟越致菩薩。阿惟越致菩薩者。皆當有三十二相。紫磨金色。八十種好。皆當作佛。隨所願在。所求欲於他方佛國作佛。終不復更泥犁禽獸。薛荔。隨其精進求道。早晚之事。同等爾。求道不休。會當得之。不失其所欲願也。

佛告阿逸菩薩等。諸天帝王人民。我皆語汝。曹諸欲往生阿彌陀佛國者。雖不能大精進。禪定持經戒者。大要當作善。一者不得殺生。二者不得盜竊。三者不得姪淫。姦愛他人。婦女。四者不得調欺。五者不得飲酒。六者不得兩舌。七者不得惡口。八者不得妄言。九者不得嫉妬。十者不得貪饕。不得心中有所慳惜。不得瞋怒。不得愚癡。不得隨心嗜欲。不得心中悔。不得狐疑。當作孝順。當作至誠忠信。當信受佛經語深。當信作善。後世得其福。奉持如是其法。不虧失者。在心所願。可得往生阿彌陀佛國。至要當齋戒。一心清淨。晝夜常念。欲往生阿彌陀佛國。十日十夜不斷絕。我皆慈哀之。悉令生阿彌陀佛國。佛言。世間人以欲慕及賢明。居家修善為道者。與妻子共居。在恩好愛欲之中。憂念苦多。家事忽務。不暇大齋。一心清淨。雖不能得去家棄欲。有空閑時。自端心意。念身作善。專精行道。十日十夜

者。殊使不能^③爾。自思惟熟。投計。欲度脫身者。下當絕念去憂。勿念家事。莫與婦人同床。自端正身心。斷於愛欲。一心齋戒清淨。至意念生阿彌陀佛國。一日一夜不斷絕者。壽終皆往生其國。在七寶浴池華蓮中化生。可得智慧勇猛。所居七寶舍宅。自在意所欲。作為可次如上第一輩。佛語阿逸菩薩言。諸八方上下無央數諸天人民。比丘僧比丘尼優婆塞。優婆夷。往生阿彌陀佛國。眾等大會。皆共於七寶浴池水中。都共人人。悉自於一大蓮華上坐。皆悉自陳道德行善。人人各自說其前世宿命求道時。持戒所作善法。所從來生本末。其所好。喜經道。知經智慧。所施行功德。從上次下轉。皆遍已。知經有明。不明。智有深淺。大小。德有優劣。厚薄。自然之道。別知。才能智慧健猛。眾相觀照。禮義和順。皆自歡喜。踊躍。智慧有勇猛。各不相屬。逮。佛言。其人殊不^④豫。作德為善。輕戲不信。使然。徒倚懈怠。為用可爾。至時都集。說經道。自然迫促。應答遲晚。道智卓殊。超絕。才能高猛。獨於邊羸。臨事乃悔。悔者已出其後。當復何益。但心中^⑤悞。悞慕及等爾。

佛言。阿彌陀佛國。諸菩薩阿羅漢。眾等大聚會。自然都集。拘心制意。端身正行。遊戲洞達。俱相隨飛行。翻^⑥輩出入。供養無極。歡心喜。樂共觀經行道。和好久習。才猛智慧。志若虛空。精進求願。心終不復中^⑦徊。意終不復轉。終無有懈極時。雖求道外。若遲緩內。獨急疾。容容虛空。適得其中。中表相應。自然嚴整。檢

①(功)+德 ②(國)+土 ③(歡)+喜 ④卓:百千 ⑤爾:念 ⑥豫:預 ⑦悞:悞悞,悞悞,悞悞,悞悞 ⑧翻:幡 ⑨樂+(樂) ⑩徧:迴 後 鬼,於中最劣,西陽雜俎:人犯五千惡為五獄鬼,萬惡乃墮薛荔,此言萬惡喻其極惡,既譯祖父,應壽長而惡,既是祖父,是否即隨身人中之魔障,為修行中之極惡障

斂端直身心清潔無有愛欲無所適貪無有眾惡瑕穢其志願皆各安定殊好無增缺減求道和正不誤傾邪准望道法隨經約令不敢^①蹉跌若於八方上下無有邊幅自在所欲至到無窮無極咸然為道恢^②廓及曠蕩念道無他之念無有憂思自然無為^③虛無空立恢安無欲作得善願盡心求索含哀慈愍精進中表禮義都合^④通洞無違和順副稱褒羅表裏過度解脫能升入泥洹長與道德合明自然相保守快意之滋真滋真了潔白志願無上清淨之安定靜樂之無有極善好無有比巍巍之耀照耀照^⑤巨開達明徹自然中自然相然之有根本自然成五光五光至九色九色參徊轉數百千更變鬱單之自然自然成七寶橫攬成萬物光精參明俱出好甚姝無有極其國土甚若此何不力為善念道之自然著於無上下洞達無邊幅捐志虛空中何不各精進努力自求索可得超絕去往生阿彌陀佛國橫截於五^⑥惡惡道自然閉塞升道之無極易往無有人其國土不逆違自然之隨牽何不棄^⑦世事行求道德可得極長生^⑧壽無有極何為著世事^⑨諂諂共憂思無常世人薄俗共諍不急之事共於是處劇惡極苦之中勤身治生用相給活無尊無卑無富無貧無老無少無男無女皆當共憂錢財有無同然憂思適等屏營愁苦累念思慮為心使走無有安時有田憂田有宅憂宅有牛憂牛有馬憂馬有六畜憂六畜有奴婢憂奴婢有衣被錢財金銀寶物復共憂

之重思累息憂念愁^⑩恐橫為非常水火盜賊怨主債家所漂燒^⑪繫唐突沒溺憂毒怵怵無有解時結憤胸中穉氣恚怒病在胸腹憂苦不離心堅^⑫意固適無縱捨或坐摧藏終身亡命棄捐之去莫誰隨者尊卑豪貴貧富有是憂懼勤苦^⑬如此結眾寒熱與痛共居小家貧者窮困苦乏無田亦憂欲有田無宅亦憂欲有宅無牛亦憂欲有牛無馬亦憂欲有馬無六畜亦憂欲有六畜無奴婢亦憂欲有奴婢無衣被錢財什物飲食之屬亦憂欲有之適有一復少一有是少是思有齊等適小具有便復^⑭賜盡如是苦生當復求索思想無益不能時得身心俱勞坐起不安憂意相隨勤苦如此焦心不離恚恨獨怒亦結眾寒熱與痛同居或時坐之終身天命亦不肯作善為道壽命終盡死皆當獨遠去有所趣向善惡之道莫能知之或時世人父子兄弟夫婦室中外親屬居天地之間當相敬愛不當相憎有無當相給與不當有貪惜言色當和莫相違戾或儻心諍有所恚怒今世恨意微相嫉憎後世轉劇致成大怨所以者何如今之事更欲相害雖不臨時應急相破然之愁毒結憤精神自然剋識不得相離皆當對相生值更相報復人在世間愛欲之中獨往獨來獨死獨生當行至苦樂之處身自當之無有代者善惡變化殃咎^⑮惡處宿豫嚴待當獨升入遠到他處莫能見去在何所善惡自然追逐行生窈窈冥冥別離久長道路不同會見無期甚難得復相值何不棄家

事各^⑯曼強健時努力為善力精進求度世可得極長壽殊不肯求於道復欲須待欲何樂乎如是世人不信作善得善不信為道得道不信死後世復生不信施與得其福德都不信之爾以謂不然終無有是但坐是故且自見之更相代聞前後相續轉相承受父餘教令先人祖父素不作善本不為道身愚神闇心塞意閉不見大道殊無有能見人死生有所趣向亦莫能知者適無有見善惡之道復無語者為用作善惡福德殃咎禍罰各自競作為之用殊無有怪也至於死生之道轉相續立或子哭父或父哭子或弟哭兄或兄哭弟或婦哭夫或夫哭婦顛倒上下無常根本皆當過去不可常得教語開導信道者少皆當死生無有休止如是曹人朦冥^⑰抵突不信經語各欲快意心不計慮愚癡於愛欲不解於道德迷惑於瞋怒貪狼於財色坐之不得道當更勤苦極在惡處生終不得止休息痛之甚可傷或時室中外父子兄弟夫婦至於死生之義更相哭^⑱泣轉相思慕憂念憤結恩愛^⑲繞續心意著痛對相顧戀晝夜縛礙無有解時教視道德心不開明思想恩好情欲不離閉塞^⑳矇瞑交錯覆蔽不能思計心自端正決斷世事專精行道便旋至竟壽終命盡不能得道無可奈何總狠憤諂皆貪愛欲如是之法不解道者多得道者少世間忽忽無可聊賴尊卑上下豪貴貧富男女大小各自忽務勤苦躬身懷怨殺毒惡氣窈冥莫不惆悵為妄作事惡逆天地不從人心

①(違) ②(廓) ③(慕) ④(虛) ⑤(空) ⑥(立) ⑦(通) ⑧(洞) ⑨(惡) ⑩(惡) ⑪(動) ⑫(行) ⑬(壽) ⑭(樂) ⑮(恐) ⑯(毒) ⑰(繫) ⑱(唐) ⑲(突) ⑳(擊) ㉑(揅) ㉒(揅) ㉓(意) ㉔(固) ㉕(意) ㉖(如) ㉗(此) ㉘(賜) ㉙(傷) ㉚(惡) ㉛(異) ㉜(曼) ㉝(遇) ㉞(突) ㉟(揅) ㊱(泣) ㊲(淚) ㊳(繞) ㊴(繞) ㊵(矇) ㊶(蒙) ㊷(矇) ㊸(矇) ㊹(怨) ㊺(殺) ㊻(薛) ㊼(荔) ㊽(譯) ㊾(祖) ㊿(父) 鬼 舊譯賊 前

道德非惡，先隨與之恣聽所為。其壽未至便頓奪之，下入惡道累世勤苦，展轉愁毒數千萬億歲，無有止期，痛不可言，甚可憐愍。

佛告阿逸菩薩等：諸天帝王人民，我皆語汝。曹世間之事，人用是故坐不得道。汝曹熟思惟之，惡者當縱捨遠離之去，從其善者當堅持勿妄為非，益作諸善大小多少，愛欲之榮皆不可常得，由當別離無可樂者。曼佛世時，其有信受佛經語深，奉行道德皆是我小弟也。其欲有甫學佛經戒者，皆是我弟子。其有欲出身去家捨妻子絕去財色，欲作沙門為佛作比丘者，皆是我子孫。我世甚難得值，其有願欲生阿彌陀佛國者，可得智慧勇猛為眾所尊敬，勿得隨心所欲，虧負經戒在於人後，儻有疑意不解經者，復前問佛為汝解之。阿逸菩薩長跪叉手言：佛威神尊重所說經快善，我曹聽經語皆心貫之。世人實爾如佛所語，無有異。今佛慈哀我曹，開示大道教語生路，耳目聰明長得度脫。今若得更生我曹聽佛經語，莫不慈心歡喜，踊躍開解者，及諸天帝王人民，蜎飛蠕動之類，皆蒙恩無不解脫憂苦者。佛語教戒甚深，善無極無底。佛智慧所見，知八方上下去來現在之事，無上無下無邊無幅，佛甚難得值。我曹皆慈心於佛所，令我曹得度脫者，皆是佛前世求道時，勤苦學問精明所致。恩德普覆，所施行福德相祿，巍巍光明，徹照洞虛無極，貫入泥洹教授攬典，制威消化，愍動八方上下，無窮無極。佛為師法尊絕，群聖都無能及。

佛者，佛為八方上下諸天帝王人民作師，隨其心所欲願，大小皆令得道。今我曹得與佛相見，得聞阿彌陀佛聲，我曹甚喜，莫不得點慧開明者。佛告阿逸菩薩：若言是實當爾，若有慈心於佛所者，大喜實當念佛。天下久久乃復有佛耳。今我於苦世作佛，所出經道教授洞達，截斷狐疑，端心正行，拔諸愛欲，絕眾惡根本，遊步無拘，典總智慧，眾道表裏攬持維綱，照然分明，開示五道，決正生死，泥洹之道。佛言：若曹從無數劫以來，不可復計劫，若曹作菩薩道，欲過度諸天人民及蜎飛蠕動之類，已來甚久遠，人從若得道度者，無央數，至得泥洹之道者，亦無央數。若曹及八方上下諸天帝王人民，若比丘比丘尼優婆塞優婆夷，若曹宿命從無數劫已來，展轉是五道中，死生呼嗟，更相哭淚，轉相貪慕，憂思愁毒，痛苦不可言。至今世死生不絕，乃今日與佛相見共會，值是乃聞阿彌陀佛聲，甚快善。我助汝曹喜，亦可自厭死生痛。瘵生時甚痛，甚苦甚極。至年長，大亦苦亦極。死時亦痛亦苦亦極，甚惡臭處不淨潔，了無有可者。佛故悉語若曹，若曹亦可自決斷臭處惡露，若曹亦可端心正身，益作諸善。於是常端中外，潔淨身體，洗除心垢，自相約檢，表裏相應，言行忠信，人能自度脫轉相扶接，拔諸愛欲，精明至心，求願不轉結其善道根本。雖精苦一世，須臾間耳。今世為善，後世生阿彌陀佛國，快樂甚無極，長與道德合明，然善相保守，長去離惡道痛瘵之憂惱，拔勤苦

諸惡根本，斷諸愛欲，恩好長生阿彌陀佛國，亦無有諸痛瘵，亦無復有諸惡臭處。亦無復有勤苦，亦無淫泆，瞋怒愚癡，亦無有憂思愁毒，生於阿彌陀佛國，欲壽一劫十劫百劫千劫，萬億劫，自恣意欲住，止壽無央數劫，不可復計數劫。恣汝隨意皆可得之，欲食不食，恣若其意，都悉自然，皆可得之。次於泥洹之道，皆各自精明求索，心所欲願，勿得狐疑心中悔，欲往生者，無得坐其過失。在阿彌陀佛國界邊，自然七寶城中，謫五百歲，阿逸菩薩言：受佛嚴明重教，皆當精進一心求索，請奉行，不敢疑怠。

佛告阿逸菩薩等：若曹於是世能自制心正意，身不作惡者，是為大德善，都有一輩為八方上下最無有比，所以者何？八方上下無央數佛國中，諸天人民皆自然作善，不大為惡，易教化。今我於是世間作佛，為於五惡五痛五燒之中，作佛為最劇，教語人民，令縱捨五惡，令去五痛，令去五燒之中，降化其心，令持五善，得其福德，度世長壽泥洹之道。佛言：何等為五惡？何等為五痛？何等為五燒中者？何等為消化五惡，令得五善者？何等為持五善，得其福德，長壽度世泥洹之道。佛言：其一惡者，天人民下至禽獸蜎飛蠕動之屬，欲為眾惡，強者服弱，轉相剋賊，自相殺傷，更相食噉，不知作善，惡逆不道，受其殃罰，道之自然，當往趣向，神明記識，犯之不貫，轉相承續，故有貧窮下賤，乞匍孤獨，故有聾盲瘖瘂，愚癡，愍惡，下有疋狂不及逮之屬，故有尊卑豪

①億+(億) ②造-曹 ③時-尊 ④皆+(悉) ⑤戒-誠 ⑥(甚)+善 ⑦聞-值 ⑧改-愍 ⑨道-諸 ⑩視-示 ⑪以-已 ⑫已-以 ⑬我-哉 ⑭瘵-癢 ⑮大+(亦痛) ⑯極+(飢時亦痛亦苦亦極病時亦痛亦苦亦極) ⑰洗-洒 ⑱無復-復無 ⑲萬+(劫) ⑳止-上 ㉑(諸)+天 ㉒貫-